

四庫全書

集部

欽定四庫全書

四六標準卷十六

宋 李劉 撰

參政

文獻通考參知政事堂副丞相毗大政參庶務其除授不宜制不押班不知印不預奏事不升

政事堂殿庭別設碑位于宰相後勅尾署銜降宰相數字至道元年詔宰相與參政輪班知印同升政事堂二年詔復如舊制

賀喬樞密

行簡

除參政兼知院

成都運司作○喬行簡傳拜叅知政

事兼樞

密院事

晉用真儒升參大政

宋薛居正拜相制預大政於萬機下丞相之一等

運籌決

勝久注意於安危

見前

當軸處中仍兼資於文武

車千秋傳贊車

丞相履伊呂之列

當軸處中朱雲傳平陵朱雲兼資文武忠正有智略可試守御史大夫陳蕃傳聰明亮達文

武兼姿臣不如李膺劉歆曰姿是姿貌此當作資也朱

穆傳朱公兼資文武海內奇士蜀志關羽傳孟起兼資

文武雄烈過人魏志蔣濟傳兼資文武服勤盡節晉書

劉弘傳詔曰將軍文武兼資前姿大夏王衍傳中國已

亂當賴方伯宜得文武兼資以任之張重華傳謝艾文

武兼資國之方邵南史劉洽傳謝朓文章盛于一時見

洽深相賞好每稱其兼資文武北齊書魏劔傳有當世

才兼資文武南史褚玠傳贊公平諒直文武兼資柳世

隆傳高帝與武帝書曰汝既入朝

當須文武兼資人世隆其人也

用人如此

魏志毛玠傳玠為東

曹掾太祖歎曰用人如此使

通國驩然恭惟某官廣淵

天下人自治吾復何為哉

而篤誠

尚書克齊聖廣淵明允篤誠天下之民謂之八愷晉起居

注太保衛瓘明允篤誠有匪躬之志

高明而博厚好學本孔顏之學

喬行簡傳

學於呂祖謙之門

用心乃禹稷之心非仁義不陳於前雨露夙

深於獻納

杜詩獻納存雨露邊

有謀猷則順於內風霆不顯其

流形

見前

翊贊斗樞

春秋運斗樞斗第一天樞五帝所行同道異位皆循斗樞機衡之分遵七

政之紀九星之法

變和天緯

尚書率循大卞變和天下揚雄傳上天之緯杳旭并兮師古曰緯事

也杳高遠也旭弁連疾也緯讀與載同

折衝尊俎鯨鯢服京觀之刑

鯨鯢其京反

亦作鯨程方進傳古者伐不敬取其鯨鯢

申畫郊圻

鱗介慕衣裳之會

尚書申畫郊圻慎固封守法言朱崖之絕捐之之力也否則鱗介易我衣

裳注朱崖蠻夷故云鱗介殺梁傅衣裳之會十有一未嘗有插血之盟也信厚也兵車之會四未嘗有大戰也

愛民也然南北兩朝不能一統

董仲舒傳春秋大一統韻會毛氏曰統字諸家

皆去聲惟玉篇音補公羊傳大一統無音合從通用

由東西二府分作兩塗

宋會

密院與中書對持文武二柄號為二府歸田錄唐制樞密使以內臣為之後唐莊宗用郭崇韜與宰相分柄朝政文事出中書武事出樞密自此其權漸盛至本朝號為兩府矣

今內治外治交急之

時

見前

乃政柄兵柄合謀之日

賈誼新書膏罰者政之柄也袁盎傳絳侯為太尉本

兵宜崇夙夜宥密之任

詩成王不敢康夙夜基命宥密注基始命信宥寬密寧也文武

不敢暫自安逸常早起夜卧行寬仁安靜之政基為始者言修德常如始命為信者既有所信必將順之故言

早夜如順天

并策旦夕承弼之功

尚書罔非正人以蘇

民力之中乾

左傳外

回敵情之內

吳音避說文壯大也本作羴从三夫

三日二目為羴三日為羴蓋大也一曰追也詩內羴于

中國羴及鬼方傳羴怒也不醉而怒曰羴鬼方達方也

正義曰西京賦云巨靈羴屈以流

河曲則羴者怒而自作氣之貌

治之業

賈誼傳使顧成之廟稱為太宗上配太祖與漢亡極建久安之勢成長治之業以承祖廟以來

六親至

杜羣枉之塗而開衆正之門

劉向傳放達佞邪之黨壞散險詖之

聚杜閉羣枉之門

歲大旱而作霖啓沃良資於傳說

尚書

若歲大早用汝作霖
雨啓乃心沃朕心

天未陰而徹土綢繆永賴於周公

邦其允孚於休公有無窮之聞

並見前

某雲邊輓粟

嚴安傳飛

蜀輓

雪裏聞麻

蜀有雪山故云雪裏董巴記云東京有蔡侯紙即倫也故麻名麻紙本皮名穀

紙故網名網紙也初學記倫擣故魚網作紙名網紙後人以生布作紙絲縑如故麻名麻紙翰林志唐中書用

黃白二麻為綸命其後翰林專掌白麻中書獨得用黃麻會要凡敕書德音立后建儲大誅討拜免三公宰相

命將誼用白麻玉堂雜記凡鎖院文臣職事明日赴文德殿聽麻

回思太學之十年嘗

侍司成之丈席

李為國錄時葛洪為祭酒喬行簡為司業禮記凡侍坐于大司成者遠近間三

席可以問終則負牆列事未盡不問注大司成司徒之屬師氏也遠近間三席可以問者去大司成遠近中間

可容三席之地席制廣三尺三寸三尺寸之一三席則函一大可以指畫而問也

今三賢方施

政於天下必無不獲之夫

三賢謂鄭清之葛洪喬行簡梅亭與三人同官國學時清

之燕知樞密院事洪行簡皆叅知政事

縱四牡非有功之使臣願鑒懷歸

之惻

詩序四牡勞使臣之來也有功而見知則說矣詩四牡駢駢周道逶迤宜不懷歸王事靡盬我心傷

悲

代賀鄭簽書

昭先

除叅政兼太子賓客

宋史寧宗嘉泰八年

秋七月以鄭昭先叅知政事

顯用正人進參大政試之宥密已折衝樽俎之間

詩夙夜基

命宥密注基始命信宥寬密寧也文王不敢暫自安逸
常早起夜卧行寬仁安靜之政以定天下寬仁所以止
苛刻也安靜所以息暴亂也按宥密本義止此宋人以
樞密院無他雅稱遂文之曰宥府如王禹偁云宥密之
府樞密于萬幾是也又謂之宥省如王岐公批荅云
旋冠謨于宥省是也又轉而為密勿如楊文公表密勿
之司是也倚以弼諧必銷患廟堂之上尚書謨明弼諧徐樂
傳賢主獨觀萬化之
原明於安危之機修之廟一賢得路蔡襄詩自古
堂之上而銷未形之患也忠賢得路難四海

傾心恭惟某官清任以和直方而大陽休山立粹然廊

廟之珍

禮記山立時行盛氣顙實陽休玉色注山立不
搖動也時行時而後行也詩云威儀孔時顙讀

為闡揚讀陽聲之誤也盛身中之氣使之闡滿其息若
陽氣之休物也玉色色不變也正義曰此明戎容之體

地負海涵凜然有社稷之器

韓文其富若生蓄萬物必具海涵地負放恣橫從無

所統紀然而不煩於繩削而自合也

晉索宏詩汲黯社稷器揀梁天表骨來從百里甫閱七

年徧儀清切之司

杜詩獻納司存雨露邊地分清切任才賢徐嶷詩還從清切禁再沐聖明

恩

彌積均弘之望

韓文海嶺之限既足既濡胡不均弘俾執事

果由樞筦

主

當也荀子人君管分之樞要

遂贊機衡作天子之股肱兼儲皇之羽

翼

張良傳彼四人為之輔羽翼已成難動矣

惟公懋德

尚書惟公懋德克勤小物

相我受

民

尚書相我受民和我庶獄庶慎

式觀鼎鼐之調

杜詩調和鼎鼐新

益永旂常

之載某屬拘郡組莫旅賓綦

綦音其禮記綦組纓釋文云雜色也又履飾周禮弁

師注恭結也

千萬間之歡顏既深賀厦

見前

三十輻之共轂无

慶得輿

老子三十輻共一轂當其無有車之用易君子得輿

賀俞樞密

應符

兼叅政

鼎升兵本晉豫政機

鼎升晉豫四卦名

立武有常將見五原之

欵塞

詩序常武召穆公美宣王也有常德以立武事因以為戒然漢書宣帝甘露二年匈奴呼韓邪單于

欵五原塞願奉國琛朝三年正月師古

欵叩也欲於甘露三年正月行朝禮

用儒無敵更觀

三后之協心

法言魯不用真儒故也如用真儒無敵于天下安得削尚書三后協心同底于道

膺一時稠疊之榮

疊說文本作疊揚雄說古理官決罪三日得其宜乃會意字王莽疑圖讖

漢有再受之象惡三日太盛改爲三田則失六書之義
矣廣韻重也杜詩烈士痛稠疊王荆公詩勝錢此稠疊

契千載明良之會

見前

恭惟某官才宜王佐

管子霸言篇才振四海王

之佐也董仲舒傳贊劉向稱仲舒有王佐之才雖伊呂
亡以加管晏之屬伯者之佐殆不及也後漢書李固傳
即顯薦之曰元精所生王之佐臣延篤傳李文德謂公
卿曰延叔堅有王佐之才王允傳郭林宗見而奇之曰
王生一日千里王佐才也魏志荀彧傳南陽何顥異之
曰王佐才也晉書張華傳阮籍見之歎曰王佐才也世
說司馬景王命虞松作表不可意鍾會爲定五字王召
見會至鼓二乃出王拊手歎息曰此真王佐才也南史
臧盾傳幼從諸葛璩受五經璩學常有數十百人盾處
其間無所押比璩曰此生王佐才也北史宋弁傳至京
師見尚書李冲言論移日冲異之曰此生一日千里王
佐才也新唐書李靖傳仕隋爲殿內直長吏部尚書牛

弘見之曰王佐才也杜如晦傳秦王引為府兵曹參軍時府屬多外遷王患之房玄齡曰去者雖多不足吝如

晦王佐才也蕭遇傳負大節以王佐自任齊濟傳年十四見李崎崎稱其有王佐才杜黃裳傳達權變有王佐

才略崔造傳與韓會盧東美張正則三智可帝師杜詩人友皆自謂王佐才號四變互見前

渭水獵猶自其不辭小官之時自警編范正平字子夷可帝王師嘗言其家家學不界小

官居一官便盡心治一官之事只此便是學聖人也也若以為州縣之職徒勞人耳非所以學聖人也已負

將降大任之器夙夜宥密甫參帷幄之籌見前乾坤清夷

益結冕旒之眷韓文乾坤清夷境落舉李詩願言保名德王室佇清夷既兼資於

文武見此卷首條宜竝注於安危見前爰命宗工式兼亞相上

帝將復高祖德坐令趙璧之還

尚書肆上帝將復我高祖之德亂越我家來火

寧宗嘉定十三年得恭膺天命之寶詳見前

皇天既付中國民豈但齊疆之

復

尚書皇天既付中國民越厥疆土于先王緒資治通鑑寧宗嘉定元年六月庚子金人歸大散關辛未歸

濠州以韓侂胄首易之也時太學生為詩惟股肱之寄有云晁錯既誅終叛漢於期已入竟亡燕

在忠力

新唐書馬周傳帝嘗以飛帛書賜周曰鷹鳳冲霄必假羽翼股肱之寄要在忠力

則道

德之威成安彊

荀子威有三有道德之威有暴察之威有狂妄之威此三威者不可不察也道

德之威成乎安彊暴察之威成乎危弱狂妄之威成乎滅亡周平王啓帝王之制坦然明白寢揚聞於西垣道

德之威成乎安彊亦宜勞於右府

邦其永孚于休公有無窮之聞某夙

蒙揷拂

揷子淺切說文揷也史記蒙恬傳周公自揷其爪沈於河通作剪廣絕交論顧眎增其重價揷

拂使皆長鳴李詩伯樂揷拂中道遺又希君一剪拂令可逞中衢杜詩剪拂念途窮又老醜難揷拂皆以馬喻

竟自沉冥

法言蜀莊沉冥注晦迹不仕故曰沉冥

直柄當權恐不吝曲成

之陶冶

見前

近畿入幕固未為遠去於門牆

賀陳簽書

貴誼

除參政兼同知

成都運使作○宋史陳貴誼字正甫

福州福清人慶元五年進士中博學宏詞科轉對激怒史彌遠出知江陰軍理宗朝累官端明殿學

士簽書樞密院事紹定六年進參知政事卒贈少保

升參六政復翊洪樞

宋元祐趙瞻拜同知院事敕宜煩故老就翊洪樞

仲子之

薛三公夫固輕千鍾之祿

鄒陽傳於陵子仲薛三公為人灌園師古曰子仲陳仲子

也兄戴為齊相仲子以為不義乃將妻子適楚居于於陵自謂於陵子仲楚王聞其賢使使者持金百鎰聘之

欲以為相仲子不許遂夫妻相與

曲遂之出六計終當

遂萬物之宜

陳平傳高帝南過曲遂曰壯哉縣更封平為曲遂侯平自初從至天下定後凡六出

奇計輒監邑封奇計或頗秘世莫得聞也王陵傳平對文帝曰宰相者上佐天子理陰陽順四時下遂萬物之

宜一賢得輿

易君子得輿民所載也

多士舉笏

自警編仁宗問王懿敏曰大寮中孰

可命以相事者懿敏曰惟宦官宮妾不知姓名者可充其選帝憮然有間曰唯富弼耳懿敏下拜曰陛下得人矣既告大庭相富公士大夫皆舉笏相賀或密以聞帝益喜曰吾之舉賢于夢卜矣劉後村詩話富公由并州

入相外庭至於舉劾相賀王達原獨云要須待見成
亮并未敢輕浮作頌聲所見高於石坦徠一等矣 恭

惟某官直方而大智勇且仁早收麟角之科夙負鰲頭

之望

並見前

讀孔璋之檄嚴嚴經國之文

魏志陳琳字孔璋軍國書檄多

琳所作三國典略琳作諸書及檄草成呈太祖太祖先
苦頭風是日疾發卧請琳所作翕然而起曰此愈我病

數加厚賜卧元龍之樓耿耿濟時之略

魏志陳登字元龍許
汜與劉備共論人汜

曰陳元龍湖海之士豪氣不除昔遭亂過下邳見元龍
無主客之意自上大牀卧使客卧下牀備曰今天下大

亂望君憂國忘家而君求田問舍是元龍所諱也如
小人欲卧百尺樓上卧君于地何但上下牀之間耶四

國茂蕃宣之績六條高澄按之功

貴誼忤史彌遠出知
江陰軍提舉江西常

平彌達諷言者論罷起知徽州登山有得於徐行許彥周詩話遊嵩山峻極院壁間題云登

山有道徐行則不困措足於實地則不危乃司馬溫公隸書張茂中遊城南記自炭谷口穿雲渡水躡亂石冒
縣崖數峯聳削蹬道之半有司馬溫公隸書二十八字
曰登山有道徐行則不困擇平穩之地而置足則不跌

乘舟惟恐其偏重

宋史陳瓘傳章惇入相瓘從衆道謁惇聞其名獨邀與同載詢當世之務

瓘曰請以所乘舟為喻偏重可行乎移左置右其偏一也明此則可行矣按此一聯用當代人語恐覽者未察

特表出之禁中頗牧鼓舞號令之風雷

新唐書畢誠傳誠為翰林學士黨項擾河

西宣宗嘗召訪邊事誠援質古今條破羗狀甚悉帝悅曰朕將擇能帥者孰謂頗牧在吾禁署卿為朕行乎法
言鼓舞萬物者其風雷乎
鼓舞萬民者其號令乎
羣上唐虞緝熙光明之日月

王吉傳廣厦之下細旃之上上論唐虞之際下及殷周之盛詩日就月將學有緝熙于光明詳見前迄由

翰院

賈誼知嶽州召授司封郎中兼翰林權直兼玉牒所檢討

進陟機庭尊俎折衝

京觀正鯨鯢之戮

見前

郊圻申畫介胄無蟻蝨之生

韓非子天

下無道攻擊不已甲冑生蟻蝨燕雀處帷帷而兵不歸故曰戎馬生于郊揚雄長楊賦糴登生蟻蝨甲冑被露汙嚴安傳馳車殺擊介冑生蟻蝨立武事以有常顯真儒之無敵

竝見前

今南北分庭和戰未一

沙鉢羅可汗建庭于睢合水謂之南庭吐陸建牙於鉢合山謂

之北庭

則東西二府謀慮宜同

中書與樞密院對持文武二柄號東西二府樞

省亦云

爰藉前疑後丞之功

尚書太傳古者天子必有四隣前曰疑後曰丞左曰

輔右曰弼天子有問無以對責之疑有志而不志責之丞可正而不正責之輔可揚而不揚責之弼其爵視卿

其祿視大國之君

入據經文緯武之智

唐牛僧孺賢良策制緯武經文以大其業梁肅

受命寶賦以文經天以武緯地

邇人安遠人至憂民正急於憂邊

尚書不實

遠物則遠人格所賢惟賢則邇人安

大臣法小臣廉正已不難於正物

禮記

大臣法小臣廉官職相序君臣相正國之肥也

相尊等耳

田蚡傳太尉相尊等耳有讓賢名今按相

字當句絕此斷章取義

時來為之

見前

無謂於我如浮雲當念迨天

之未雨不遐有佐

詩於萬斯年不遐有佐注武王受此萬年之責不遠有佐輔之臣共蒙其

福無競維人

詩無競維人注言人君為國無疆乎維在得其賢人得賢人則國家彊矣

某學

既拙疎法當憔悴

山谷詩法當憔悴百僚底

十暑自安於絺葛

杜詩十暑

岷山

一寒誰與之綈袍

范睢傳須賈曰范叔一寒如此哉乃取其一綈袍以賜之注綈

厚繒也音啼蓋今之絕也

昔周旋元方之間亦欲學屠龍之技

陳紀字元

方今疲敝益州之役良難見流馬之功

出師表天下三分益州疲敝言

為蜀

忻聞黃麻之六經

杜詩黃麻似六經

合入繡衣之九罌

九罌

罌之魚鱗魴我觀之子衮衣繡裳詳見前

燕雀賀厦捲簾必念其差池

見蟋

蟀鳴秋瑾戶願徐於穹室

詩十月蟋蟀入我牀下穹室熏鼠塞向瑾戶注蟲既近人

天寒將至故穹塞其室之孔穴熏鼠令出其密塞北出之嚮塗瑾荆竹所織之戶使令室無隙孔寒氣不入此

用借

賀宣參政

續○宋史寧宗嘉定十四年八月以宣
續同知樞密院事十二月兼叅知政事

理宗寶慶元年十一月
以宣續同知樞密院事

申命真儒

易重巽
以申命

顯參大政公輔間於兩社德因服而

益彰

左傳間于兩社為公室輔注周社
毫社之間朝廷執政所在詳見前

天子必有四隣

官惟人而後備

見上
條

制書誕布歡頌交馳恭惟某官忠

結主知道先民覺泰山喬嶽無運動之迹人蒙潤而不

知東坡集譬如大川喬嶽不見其運動而功利之及于
物者蓋不可以數計而周知又蒙霧而行皆獲不知

潤之祥風和氣以長養為心物有生而自遂與其參風夜

有命之寄不若策旦夕承弼之功臣哉孰重於隣哉賢

者固識其大者

竝見前

今海內之事勢若火未然

賈誼傳夫托火

厝之積薪之下而寢其上火未及燃因謂之安方今之勢何以異此

公主上之信臣知風

之自

賈誼過秦論信臣精卒陳利兵而誰何韓信傳使其信臣招所亡城馮衍傳將軍之先為漢信臣

敵鋒外熾民力中乾即戎七年而無休息之期

李詩龍虎方戰

爭于焉拓地千里而無堅凝之術

後漢書匈奴傳建安二十五年呼韓邪單

于遣弟左賢王莫將兵萬餘人擊北單于左賢王生獲之北單于震恐卻地千里初帝作戰車可駕數牛上作

樓櫓置于塞上以拒匈奴時人見者或相謂曰讖言漢九世當却北狄地千里宜謂此耶及是果拓地焉杜篤傳拓地萬里威振八荒南史徐羨之傳使能定未保其今二方已平拓地萬里唯有小菟未定

能應則所憂將重於所欣

王羲之傳與會稽王牋陳殷浩不宜北伐并論時事曰今

雖有可欣之會內求諸已而所憂乃重實賴同心同德

之臣

尚書于有亂臣十人同心同德

亟合羣策羣力之助

法言漢屈羣策羣屈羣

力收草茅之公議而用之邦國推槐棘之和氣而達諸

閭閻

說文閭里中門也李斯傳李斯以閭閻歷諸侯

非常之功待非常之人

陳琳

為袁紹徵州郡有非常之人然後有非常之事有非常之事然後立非常之功

無窮之基有

無窮之聞

尚書公其惟時成周建無窮之基則亦有無窮之聞

某崎嶇巢幕

說文

也潘岳賦軌崎嶇以低昂增韻山路一日不安晚或作崎嶇山峻也通作跣踞魏都賦山阜猥積而跣踞左傳

季子曰夫子之在此也猶燕之巢於幕上謂孫文子

冒昧掃門山甫舉之莫助之

敢忘陳於千慮

竝見前

原憲貧也非病也詎妄冀於一陶

家語端木賜結駟連騎以從原憲憲居蓬蒿中并日而食子貢曰甚矣子之病也憲曰子貧也非病也

樞密

元馬端臨云樞密之名始於唐代宗寵任宦官故置內樞密使使之掌機密文書如漢之中書

謁者令是也若內中處分則令內樞密使宣付中書門下省施行則其權已倖宰相至僖昭間楊復恭西門季玄之徒遂至親事行文書矣昭宗既誅劉季述乃勅近年宰相延英奏事樞密院侍側爭論紛然既

出又稱上旨未允復有改易撓權亂政自今竝依大中舊制俟宰相奏事畢方得上殿承受公事蓋當時樞使其橫如此朱梁懲唐弊不用宦者然徒知宦者之不可用而不知樞密院之不必存也至後唐以郭崇韜安重誨領其事皆心腹大臣是宰相之外復有宰相三省之外復有三省矣宋興始以樞密與中書對待文武二柄號稱二府然後樞密院始有專職然樞密院雖曰掌兵祖宗時亦兼任宰相之事如景德四年詔樞密院所行關民政及京朝官者報中書是得預除授之事也命樞密使王欽若等同修國史是得預文史之事也至慶厯以後始以宰相兼樞密使及元豐官制行各正其名遂不復兼乃詔釐其事大小大事則三省與樞密院同議進呈小事則樞密院獨取旨行遂為定例然密院雖可參謀三省之事又在委任何如如潞公溫公當熙寧之時與國論不合則責其專任本兵不預他事蔡確當元祐之初欲引

章惇以自助則欲其共立異議陰排正人至紹聖以後則兩府皆憐人附會紹述更無異議亦不聞以文馬之儔參錯其間矣

代賀禮部曾尚書

從龍

除簽書兼太子賓客

宋寧宗嘉

定八年秋七月以曾從龍簽書樞密院事宋太平興國四年石熙載以樞密直學士簽書院事簽書之名始此

登延駿望

前五志登受策師古曰延入而登殿也漢舊儀丞相御史大夫初拜皇帝延登親詔

也王莽傳延登贊曰假王蒞政駿大也詩駿命不易為人所仰曰望詩令聞令望易萬夫之望宋治平四年以

呂公著兼寶文閣學士詔竝揭嘉名以登駿望翊贊鴻樞司馬溫公集增寶鼎

九九之安國由人重

戰國策昔周之代殷得九鼎凡一鼎而九萬人輓之九九八十一萬

人士卒師徒器械被具所以備者稱此

齊秦階兩兩之色魁與台連

春秋運斗

樞北斗第一至四為魁王劭傳斗杓謂之外廷陽精之所布斗魁謂之會府陽精之所復天官書斗魁戴匡六星曰文昌宮前律歷志魁下六星兩兩而比者曰三能三能色齊君臣和能與台同

廊廟得賢華

夷胥慶恭惟某官造道自得經德不回一舉首登固有

榮進之素定

從龍慶元五年擢進士第一

孤忠自立宜卑英俊之竝

游

枚乘傳乘久為大國上賓與英俊竝游得其所好李師中贈唐介詩孤忠自許衆不與特立敢言人所難

竝游英俊顏何厚未死姦諛骨已寒

峯既深於兩宮名益高於九牧

孔融論盛

孝章書孝章要為有天下大名九牧之人所共稱歎

果登宥府

王禹偁制宥密之府總樞要於萬幾

仍冠儲僚時來則為之佇正久虛於宰席

丁未錄除張方平制擢陪

宰席餘見前

年不可及也諒多仰羨於端門

沈隱侯集侯府寄隆儲端任顯

注儲端謂太子詹事也職官分紀江總為宮端通典唐龍朔二年改詹事為端尹詹事府為端尹府餘見前

民無不獲之夫公有無窮之聞某逃聞成命倍動懼顏

孤鶩落霞正竊垂天之庇

莊子翼若垂天之雲

六鼇抃地莫殫賀

厦之棕

見前

賀薛樞使

極○成都運司作○薛樞傳紹定元年拜叅知政事兼同知樞密院事尋知樞

密院事兼參知
政事詳見前

顯席紫樞

通典尚書令與司隸校尉御史中丞朝會皆顯席而坐京師號曰三獨坐又司隸校尉顯

道而行顯席而坐李尋傳紫宮極樞通位帝紀注紫宮天之北宮也極天之北極星也樞是其迴轉者也均

茵黃閣

說文茵車重席也詩文茵暢轂注車內席也禮記少儀注著褥也著音佇周陽由傳同車未嘗

均茵憑詳見前

仲虺居薛宜登左揆之虛

薛任姓黃帝之後左傳仲虺居薛為湯左

相杜詩左轄憑虛位

臯陶謨虞還倚右平之重

西都賦左城右平重軒三階注平以

平磚相亞次

有常立武無競維人恭惟某官學可帝師才堪

王佐

並見前

智周萬物炳著龜先見之明

繫辭知周乎萬物而道濟天下

故不過法言博里予之智也使其知國如知莽則吾以疾為著龜

節貫四時凜松栢後

周之操

禮記其在人也如松栢之有心也故貫四時不改柯易葉王儉高松賦貫四時而不改超五玉

之嘉

周旋三省兩省之掾

極為中書門下省檢正諸房公事中興會要孝宗即位詔

尚書省吏房兵房三省樞密院機速房尚書省刑房戶房工房三省樞密院看詳賞功房尚書省禮房令左右分房書擬其中書門下諸房會檢正書擬續漢書百官志公府掾比古元士三命者也練達一日

二日之機合文武以兼資佩安危而注意熙帝載宅百

揆民具爾瞻

俱見前

掌邦政統六師軍則誰與

尚書司馬掌邦政統

六師平邦國

式端兵本專領使權匈奴款塞五原固出羽干

之舞子房決勝千里正須帷幄之籌帝曰欽哉相尊等

耳

俱見前

山有木而工則度姑遜滕侯之先封

左傳滕侯薛侯來朝

爭長薛侯曰我先封公使羽父請於薛侯曰諺有之曰山有木工則度之賓有禮主則擇之周之宗盟異姓為後願以滕君為請薛侯許之乃長滕侯河如帶而國永存實自薛公之上

計

漢功臣表封爵之誓曰使黃河如帶泰山若礪國以永存爰及苗裔英布傳布反上問薛公對曰使布出

於上計山東非漢之有也出於中計勝負之數未可知也出於下計陛下安枕而卧矣上曰是計將安出薛公

曰出下計上曰

佇膺帝眷徑位宰衡

酈炎傳絳灌臨宰衡

某夙累

一陶尚驅六轡輓武功原上之粟覺心瘳而力疲

後漢書郡

國志右扶風武功有斜谷蜀志諸葛亮悉大衆由斜谷出以流馬運糧武功五大原分兵屯田療音債病也詩士民其瘵朱超道許冲聞文德殿下之麻歎形留而神天勢已達控地力先疲

往

賀薛僉書

極○宋史寧宗嘉定十五年九月以薛極僉書樞密院事

顯膺上第

薛極傳極權刑部尚書尋試戶部尚書兼權吏部尚書遂為真暫兼權戶部尚書嘉定十

五年特賜同進士出身拜端明殿學士兼書樞密院事極原以父任調上元主簿中詞科進貳洪樞

道德之威成安強有常立武股肱之寄在忠力無競維

人

見賀俞樞密
參政條

渙號再揚師虞允穆

尚書出入
自爾師虞

恭惟某

官風猷膚敏宇量浚明才刃立解於千牛豈躊躇於肯綮意匠洗空於凡馬寧滲淡於斯須輔造化而不言正朝廷於既治星辰聽履久勤朝夕之論思雨露賜袍遂參夙夜之宥密漢用三傑運籌允藉於子房舜有四隣舞羽寔資於伯益

並見前

適觀偉績追配前聞某濫厠冗

負獲瞻盛事帝王之興建輔弼固知時亮於天工

漢書功臣

表序自古帝王之興曷嘗不建輔弼之臣所與共成天功者乎尚書欽哉惟時亮天功

甲兵之問

至廟堂更願勿窮於國力

韓文小大之官各守其職錢穀甲兵之問不至于廟堂

賀程同知

卓○宋史寧宗嘉定十五年九月以給事中程卓同知樞密院事五代有參知

樞密院事宋初開淳化二年王顯出鎮張遜知樞密院事始以溫仲舒寇準同知院同知之名始此

登庸儒宗

蕭望之傳贊身為儒宗有輔位之能匡張孔孟傳贊咸以儒宗居宰相位翟方進傳身為

儒宗致位宰相劉向傳董仲舒為世儒宗師丹傳丹經為世儒宗德為國黃考後漢賈逵傳論鄭賈之學行乎數百年中遂為諸儒宗晉書賀循傳朝廷疑滯皆咨于循循依經禮而對為當世儒宗儒林傳鄭冲以儒宗登保輔又范平等學府儒宗譽隆望重益陪輔兵本綢繆

牖戶及國家閒暇之時典領樞機基夙夜宥密之命軍

民心愜邊塞膽寒

竝見前

恭惟某官峻稟扶輿

相如賦扶輿倚靡郭

璞注淮南所謂曾折摩地扶輿倚委也

清儲沆瀝

相如賦呼

吸沆瀣餐朝霞應劭曰列仙傳陵陽子言春食朝霞夏食沆瀣沆瀣北方夜半氣也并天地玄黃之氣為六氣

何蕃初入於太學共知仁義之必流

韓文何蕃傳蕃淮南人父母俱全初

入太學歲率一歸惜乎蕃之居下其可以施於人者不流也是故蕃之仁義充諸心行諸太學積者多施者不

也

下惠不卑於小官豈以遺佚而或怨揚歷勞人之州

縣梁竦傳竦自負其才鬱鬱不得志嘗登高望遠歎息言曰大丈夫居世生當封侯死當廟食如其不然間

居可以養志詩書足以自娛州縣之職徒勞人耳

從容範我之馳驅迨作牧於

閩山

周禮八命作牧九命作伯閩山在今福州府城西南隅一名烏石山與九仙山對峙山有薛老峯隣

霄臺鶚浴池蟠桃塢金寢簡知於魏闕廣雅象魏闕也莊子身處江海

之上心在魏闕之下蜀志熊周嘗問杜瓊曰昔周徵君

羣以為當塗高者魏也其義何也瓊答曰魏闕名也

紬書史觀昭回雲漢之章

司馬遷傳紬史記石室金匱之書師古曰紬音胄謂綴集

之吳志東觀儒林之府唐百官志後漢東觀藏書之室

亦著作之所通典漢東京圖書悉在東觀多使名儒碩

學入直東觀撰述國史謂之著作東觀詩倬彼雲漢昭

回于天注回轉也雲漢謂天河也昭光也倬然天河水

氣也精光轉運於天說文倬著大也批敕瑣闥鼓舞風雷之令漢舊儀黃門屬黃門

今日暮入對青瑣門拜名曰夕郎宮閣薄青瑣門在南

宮新唐書李藩傳藩再遷給事中制有不便就勅尾批

卻之吏驚請聯他紙藩迄由東省杜牧之行崔瑒制左

日聯紙是牒宣曰敕耶省駁議不畏強禦白

集除劉伯芻制給事東閣實掌駁議初僚宅毛友制惟
東臺論駁之司乃萬世出納之地安公類要給事中謂

之東
進貳西樞宋熙寧三年詔國家以西樞惟春秋九

世之讐固將酬於千古春秋紀侯大去其國公羊傳大

為不言齊滅為襄公諱也春秋為賢者諱何賢乎襄公

復讐也何讐爾達祖也哀公烹乎周紀侯諧之以襄公

之為于此焉者事祖禰之心盡矣盡者何襄公將復讐

乎紀卜之曰師喪分焉不為不吉也達祖者幾世乎九

世矣九世猶可以復然乾坤一擲之舉不如出於萬全

晉書孫綽傳捨百勝之常理舉天下而一擲劉元海傳

冲曰環以百口一擲出手得盧矣李白詩云六博爭雄勝綵來金盤一擲萬人迴則一擲之為博明矣願

思無競之維人益務有常而立武運幄幃而決勝千里

正賴協心亮天地而弼予一人即觀顙面俱見前某隴西

冷喬李氏二望趙郡一望六房隴西一望四房江右庸儒頃作塵氓正出藍

田老槐之下韓文藍田縣丞廳壁記庭有老槐四行南牆鉅竹千挺儼若立相持茲為幕

客詎忘豐水有芑之仁詩豐水有芑武王豈不仕注芑草也仕事也豐水是無情之物

猶以潤澤而生菜為已事况武王豈不以功業為事乎此借用禮記豐水有芑武王豈不仕詒厥孫謀以燕翼

子數世之仁也我今不聞所未知鼎鼎之新杜詩調和鼎鼐新

遑恤我後終身之仁也

果猶念鑪錘之舊燕雀之賀大厦宜憂凌雨而震風

見前

烏鵲之遠何枝尚託稀星於明月

魏武短歌行月明星稀烏鵲南飛遶樹三

匪何枝可依

賀俞僉書

應符○宋史寧宗嘉定十四年八月以給事中俞應符僉書樞密院事十五年

六月應

符薨

使北道而簡僚曾玷網羅之舊

容齋隨筆東漢書載北道主人乃有三事常山

太守鄧晨會光武於鉅鹿請從擊邯鄲光武曰偉卿以一身從我不如以一郡為我北道主人又光武至薊將欲南歸耿弇以為不可官屬腹心皆不肯光武指弇曰是我北道主人也彭寵將反光武問朱浮浮曰大王倚

寵為北道主人今既不然翼西樞而基命茲逢鼎鼐之
所以失望後人罕引用之

新往年身未可以許人今日士固伸於知己輒修燕雀

賀厦之敬併吐蟋蟀吟秋之懷恭惟某官背負天風冒

吞雲夢自其克勤小物於州縣已具可以大受之規模

二螭坳處之記言一麾乃出

竝見前

千騎上頭之賦政再

命茲共

古辭陌上桑東方千餘騎夫婿居上頭詩賦政於外四方爰發漢書尚書出納王命賦政四海

餘見前

回回紫橐之間

張衡思玄賦或回回其揚靈劉公幹詩沉迷簿領書回回自昏亂

諤諤青蒲之上

家語湯武以諤諤而昌史記商君傳千人之諾諾不如一士之諤諤劉向新序

願為諤諤之臣餘見前

露門畫講緝熙日月之光明

慶歷賈昌朝拜相制露門

勅講周書武帝建德三年朝羣臣于露門武帝平齊拜熊安生露門博士保定中置露門學沈重於露門館講論語劉臻明克遜為露門學士蕭撝傳撝入朝屬置露門學高祖以撝與唐瑾元瑾王褒等四人為文學博士

瑣闥夕趨鼓舞風雷之號令

王維詩夕奉天書拜瑣闥

廷臣無出右

者

高帝紀漢廷臣無能出其右者

天子居然罷之

循吏傳以經術潤飾吏事天子罷之朱邑

傳性公正不可交以私

迄自東臺

東臺謂給事唐龍朔中改門下省曰東臺

東臺舍人峻躋西府

續會要國朝循唐制即中書之北置九樞密院元豐改制遂變於中書之西

天渙號簡二三執政之股肱兩地升賢繫億兆生民之

肝膽有常立武無競維人春秋九世之誓固將必報

並見

前匈奴百年之運已及其時

匈奴傳孝宣之世承武帝奮擊之威直匈奴百年之

運因其壞亂幾亡之阨
摧時施宜覆以威德

值發驢並負之已非計蚌鷸相

持之不久

見前

下策莫危於浪戰上兵寔貴於伐謀

漢書上兵

伐謀其次伐交注知敵有謀則沮其所為不用兵革也

在帝王之萬舉萬全固求

者定

伍被傳聖人萬舉而萬全者音指詩勝殷過劉者定爾功注者致也王肅云致定其大功謂誅紂定

天下而疆場之一彼一此正久堅凝

左傳疆場之邑事一彼一此注疆場邊境

也幸而及閒暇之時亟宜定修攘之計

詩序宣王內修政事外攘夷狄

取亂侮亡兼弱也時則易然

尚書兼弱攻昧取亂侮亡左傳隨武子曰仲虺有言

曰取亂侮亡兼弱也洵曰於鏖王師遵養時晦者昧也武曰無競維烈撫弱者昧以務烈所可也

同寅

協恭和衷哉政將焉往洪鈞既轉於一氣黃麻即似於

六經伏念某拓落一官嵌崎萬狀才固自知其無似命

亦可歎其不猶

竝見前

瞻白日於舉頭遭海風而引去

韓詩

舉頭看白日泣涕下露襟郊祀志三神山者其傳在渤海中去人不遠及到三神山反居水下水臨之患且至

則風輒引船而去

上青天而仰脅窘峽水之倒流

見前

甫欲釣錦

江之魚

杜詩奉引濫騎大宛馬幽棲真釣錦江魚

乃忽騎將軍之馬

韓詩長把種樹

書人云避世士忍騎將軍馬自號報恩子

二年劒外寸步矛頭

俱見前

徒令蟣

蝨甲冑之生

韓非子天下無道攻擊不已甲冑生蟣蝨燕雀處帷幄而兵不歸故曰戎馬生於郊

揚雄長楊賦鞮登生蟣蝨甲冑被霑汗徐樂傳介冑生蟣蝨民無所告愬互見前

安得貂蟬兜

鍔之出

蕭子顯齊書周盤龍為東平太守求解職見許還為散騎常侍武帝戲之曰卿著貂蟬何如兜

鍔盤龍曰此貂蟬從兜鍔中生耳

茲歸身於司敗

左傳楚滅若敖氏子孫箴尹克黃使於

齊還自拘於司敗

妄干祿於有司適值大君子之登庸不勝小

丈夫之距躍

躍舉身而上之名左傳距躍三百曲躍三百距躍直跳也曲踊橫跳也百音陌阡陌

也士曰時哉相君實皆舉笏以相驩

東坡司馬溫公神道碑民曰樂哉既

相司馬爾賈於達我耕於野士曰時哉
既用君實我後子先時不可失餘見前
誰其識之有歐

陽辱捲簾之有素

陳後山贈二蘇公詩異人間出駭四方嚴王陳李司馬楊一翁二季對相

望奇寶橫道驪服箱誰其識者有歐陽大願煩啄范范

報切鳥伏卵謂之花韓詩稍養翅翎韓詩路遠翅翎短

詩身如病鶴翅翎短樂莫樂兮相知更傍誰家之門戶章孝標詩舊壘危巢

泥已落今年故向社前歸連雲遲之遲而又久正須大

匠之鑪錘禮記夫武之修戒之已久則既聞命矣敢問遲之遲而又久何也注備戒已久是遲久立

於綴亦是遲而又久此借用



四六標準卷十六

欽定四庫全書

集部

四六標準卷十七

詳校官庶吉士_臣何道沖

主事_臣呂雲棟覆勘

總校官進士_臣繆琪

校對官助教_臣羅萬選

謄錄監生_臣趙大綸

欽定四庫全書

四六標準卷十七

宋李劉撰

中書

宋制中書省在左掖門外西面北廊掌進擬庶務宣奉命令行臺諫章疏羣臣奏請興創改革

及中外無法式事應取旨者凡除臺省寺監長貳以下及侍從職事官外任監司節鎮知州軍通判武臣遙郡橫行以上除授皆掌之凡命令之體有七日冊書立后妃封親王皇子太長公主拜三師三公三省長官則用之曰制書處分軍國大事頒敕宥德音命尚書左右僕射開府儀同三司節度使凡告廷除授則用之曰誥命應文武官遷改職秩內外命婦除授及封敘贈典應命辭則用之曰詔書賜待制大卿監中大夫觀察使以上則用之曰勅書賜少卿監中散大夫防禦使以下則用之曰御札布告祭封郊祀宗

祀及大號令則用之曰勅榜賜酬及戒勵百官晚諭軍民則用之皆承制畫旨以授門下省令宣之侍郎奉之舍人行之留其所得旨為底大事奏稟得旨者為畫黃小事擬進得旨者為錄黃凡事于因革損益而非法式所載者論定而上之諸司傳宣特旨承報審覆然後行下設官十有一令侍郎右散騎常侍各一人舍人四人右諫議大夫起居舍人右司諫右正言各一人分房八曰吏房曰戶房曰兵禮房曰刑房曰工房曰生事房曰班簿房曰制勅庫房元祐以後析兵禮為二增催驅檢點分房十有一又改生事房為開拆

賀太府余大卿

鑄

除中書舍人仍兼右司除戶部

侍郎兼知臨安

咸都運司作

帝重詞臣

王荆公題中書壁詩夜開金鑰詔臣對御
抽毫草帝綸須信朝家重儒術一時同榜用

三公遷閣老

新唐書百官志中書舍人六人以久次者
一人為閣老判本省雜事楊綰傳拜起居

舍人知制誥累遷中書舍人故事舍人年久者為閣老
其公廨雜料獨取五之四綰悉均給之杜工部集有贈

嚴八閣老留別賈嚴二閣老詩韓昌黎集有次潼關寄
張十二閣老詩又有與張籍遊楊尚書林亭寄第三閣

老魚呈白馮
二閣老詩

裁縫雲霧便應拜學士之真

杜詩裁縫雲
霧成御衣言

行錄纂北海崇禮字叔厚覃思於學問文章彊記默識
繇唐虞三代以暨國朝之隆君臣事跡如指諸掌視唐

燕許常楊為不足道上每日纂某之文有體真學
士也山谷詩玉堂端要真學士須得儋州禿髮翁

鼓舞

風雷更盡展舍人之樣

舊唐書徐堅西臺舍人齊肅子
也少好學偏覽經史聖歷中車

駕在三陽宮御史大夫楊再思左庶子王方慶為東都留守引堅為判官表奏專以姿之方慶嘗其文章典實

常稱曰掌綸誥之選也再思亦曰此鳳閣舍人樣如此才識走避不得互見前紫微炳煥唐會要開

元中改中書舍人為紫薇舍人又曰紫薇省白樂天詩紫薇花對紫薇郎岑參詩三殿花香入紫薇黃道

開明王維詩閨閣黃道山谷詩日月黃道明恭惟某官忠肅而惠和左傳高辛

氏有才于八人忠肅共懿宣博習而脩潔董仲舒傳公慈惠和天下之民謂之八元舉賢良脩潔

博習之士清姿秀骨下獨鶴於人間杜詩仙鶴下人間獨立霜毛整矯然江海思復

與雲路永又獨鶴不知何事舞又獨鶴歸何晚又獨鶴原依渚厚德長材載六鼇於海

上前見心醉六經之醲郁列子問之而心醉中說心若醉六經目若營四海山谷詩手抄

萬卷未開筆心醉六經還荷目營四海之溺饑莊子視
鋤韓文沈浸釀郁含英咀華若營四

海注視之儼然文人多不護文細行易虧於大德魏文
似營他人事者

吳質書觀古今文人類不護細行鮮能以名節自立而
偉長獨懷文抱質恬澹寡欲有其山之志可謂彬彬君

子矣南史顏謝傳論文人宰士固習為宰遠圖或奪於
不護細行古今之所同焉

近功公羊傳曷為以官氏宰士也翟方進傳以宰士督
察天子奉使命大夫山公啓事太尉掾滿奮樂廣

司徒掾何助劉琚司空掾官粹王正劉澹太尉掾劉遐
有才事義宰士之雋也又今尚書郎御史東宮洗馬舍

人多缺宰士中後進笑者太尉掾樂廣司徒掾劉琚王
璣司空掾王正劉澹皆其選也宋會要紹興十三年三

省進擬右司郎中上謂輔臣曰神宗祖
訓司官便是學為宰相宜可不謹擇
惟公超然過人

遠矣彌綸兩省標表九卿久兼內史之贊書

通典中書舍人屬春

官隋內史舍人八員專掌詔誥賜帝減四人後改為內書舍人唐初為內史舍人至武德三年改為中書舍人宋除蘇轍制政令之出公卿為朕行之臺諫為朕言之方其未行內史舍人得聞其議與其既行而後言孰若未行而議之哉孔光傳已刻侯印書贊師古曰茲正中贊進也延進而拜之書贊者書贊辭於策也

書之三字

東坡集雖四戶擅權非當時之公議而五花判事亦前代之美談及夫三字之除乃是一

切之政翰府名談何中正登第求卜于郭從周從周贈之詩曰三字來時月正圓一麾從此出秦關後以八月十五日授知制誥言邊事忤旨出知秦州陳後山詩一官早要稱三字注三字謂知制誥王禹偁詩擢麾終要居三字出郡惟天子之義範曰制
文申子賈瓊問續書終須借一麾

列乎範者有四曰以聖人之情見乎辭繫辭又象動乎內吉凶見乎外

功業見乎變聖賈山傳臣扶山東之瘡癰漢恩而忍死賈山傳臣

人之情見乎辭賈山傳臣布詔令民雖老羸瘡疾扶杖而往聽賈山傳臣回河朔之悍存唐

祚於幾亡

新唐書陸贄傳贄為帝言今盜偏天下宜痛自咎悔以感人心陛下誠不吝改過以言謝

天下使臣持筆亡所忌庶叛者革心帝從之故奉天所下詔書雖武人悍卒無不感動流涕李抱貞入朝為帝

言陛下在奉天山南時赦令至山東士卒聞者皆感泣思奮臣是時知賊不足平議者謂興元戲難功雖爪牙

宣力蓋贄一札可受於隗後漢書循吏傳一札十行有助焉隗囂傳囂既有功於漢又

受鄧禹爵署其腹心議者多勸通使京師囂乃上書詣關光武素聞其風聲報以殊禮言稱字用敵國之儀所

以慰藉尺書足招於贊普

東坡詩小臣願對紫薇花試
草尺書招贊普新唐書吐蕃

列傳其俗謂雄強曰贊丈
大曰普故號君長曰贊普

不但取九制一揮之敏

宋神宗實

錄劉敞字原父博學無所不通在西掖時一日追封皇
子公主九人故將下直為之立馬卻坐一揮九制數千

言已就文詞典
雅各得其體

亦非專四駢六儷之工

柳文駢四儷六
錦心繡口宮沉

羽振莖
黃觸手

俾萬姓咸曰大哉

尚書俾萬姓咸曰大哉
王言又曰一哉王心

則一

字不容易也

北史文苑傳陸操伏渾卒楊愔使樊孝謙
代已作書以告晉陽朝士令魏收潤色之

收不能改一字新唐書文藝傳孫逖為中書舍人開元
間蘇頌齊濟蘇晉賈曾韓休許景先及逖典詔語為代

言最而述尤精密張九齡視
其草欲易一字卒不能也

衣冠盛事風尊八葉之科

新唐書蕭瑀傳贊梁蕭氏興江左實有功在民厥終無大惡以寢微而亡故餘祉及其後裔自瑀逮逃凡八葉

宰相名德相望與唐盛翰墨大勳詎止五花之判曹植與楊

脩書以翰墨為勅勅辭賦為君子唐故事中書有軍國政事則中書舍人各執所見雜署其名謂之五花判事

中選一人明練事者知既敷華而緯國班彪傳數文華既敷華而緯國班彪傳數文華

樞密謂之解事舍人既敷華而緯國班彪傳數文華既敷華而緯國班彪傳數文華

薄而無行迪哲以爽邦尚書爽邦由哲亦惟十人文章

閭容於道未為尊風斯在下矣杜詩文章一小技於道未為於道未為尊風斯在下矣杜詩文章一小技於道未為

下富貴乃吾所自有時來則為之蔡澤傳富貴吾所自富貴乃吾所自有時來則為之蔡澤傳富貴吾所自

張嘉貞傳宰相時來即某頃侍同朝且依隣壁西京雜某頃侍同朝且依隣壁西京雜

勤學無燭隣舍有燭而不逮乃韓非老子又嘗共傳南史

穿壁引其光以書映光而讀之王儉王敬則同拜開府儀同三司時徐孝嗣於崇禮門

候儉因嘲之曰今日可謂連壁儉曰不意老子遂與韓非同傳史記太史公自序李耳無為自化清淨自正韓

非揣事循循勢理作老子韓非列傳第三按今本史記老子伯夷為列傳第一乃唐開元二十三年奉勅升為列傳首申韓列第三公叔大夫詎望

同升范叔一寒哀之命也不哀之命也韓文其哀之命也其不哀之命

也知其命而且鳴號之者亦命也杜陵十暑可以言歟未可以言歟杜詩

十暑岷山葛聞恥納溝亦嘗推轂上界足官府斷不希鷄犬

之仙韓詩上界真人足官府宜如散仙鞭笞鸞鳳終日相追陪神仙傳淮南王安仙去餘藥器置在中庭

鷄犬舐啄之盡得昇天故
鷄鳴天上天吠雲中也

散人拜江湖願徑入魚蝦之

侶新唐書隱逸傳陸龜蒙字魯望居松江甫里多所論
撰得書熟誦乃錄譬比勤勤朱黃不去手不喜與流

俗交雖造門不肯見不乘馬升舟設筵席齋來書茶竈
筆牀釣具往來時謂江湖散人或號天隨子甫里先生
自比涪翁漁父江上丈人其散人歌云江湖散人天骨
奇短髮搔來蓬半垂手提孤篁曳寒繭口誦太古滄浪
詞江湖散人悲古道悠悠幸寄羲皇傲官家未議活蒼
生拜賜江湖散人號東坡集竄流海國脫身羈鬼之林
灑掃真祠拜賜散人之
號又侶魚蝦而友麋鹿

賀黃秘監

序

除中書舍人

代董制置

中宸渙號

西京賦消雰埃於中宸
易渙汗其大號

內史升賢

杜氏通典隋
內史舍人八

員專掌詔誥煬帝減四人後改爲內書
舍人唐初爲內史舍人至德中改中書
三神在海上之

山久勤攝領

見前

一佛出人間之世遂見真除

楊文公談苑太宗尤

重內外制之任嘗曰詞臣之選古今所重朕聞朝廷每
除舍人六親相賀諺曰一佛出世豈容易哉莊子內篇

有人
間世
綸綍有光
紳綏胥慶

紳大帶綏音韃如佳切冠纓也郭有道碑纓纓之徒紳綍

之
恭惟某官材猷膚碩學術醇深探周情孔思之微淵

源千載發宋豔班香之秘膾炙四方親結龍宸之知聿

新鳳閣之樣

並見前

辭達而已矣要必見聖人之情

易聖人之

情見
乎辭
才難不其然
蓋欲極天下之選

柳詩才難不其然卒與大忠期杜氏

通典自永淳以來天下文章道盛臺閣髦彥無不以文章達故中書舍人爲文士之極任朝廷之盛選諸官莫

比焉得君爲重汲黯傳吾徒得君重緯國以文見前好對紫薇草尺書

而招贊普

東坡詩小臣願對紫薇花試草尺書招贊普詳見前

卻登黃閣提一筆

以福蒼生

劉夢得送令狐相公詩終當持一筆再入福蒼生

某聳聽除音阻陪

賀履千門柳色誰憐芻狗之陳人

岑參西省郎事詩千門柳色垂青瑣三殿

花香入紫薇老子天地不仁以萬物爲芻狗莊子夫芻狗之未陳也盛以篋衍巾以文繡尸祝齋戒以將之及

其已陳也行者踐其首脊蘇者取而費之而已郭象注廢棄之物於時無所用萬里草堂遙想

槐龍之新影

杜詩萬里橋西一草堂百花潭水即滄浪注蜀有萬里橋在浣花溪之東昔孔明送

吳使至此曰萬里之行從此始矣因是得名東坡詩曰
高黃繼下西清風動槐龍舞交翠公自注邇英閣前有
雙槐樛然屬地如龍形宋張邦基墨莊漫錄云邇英閣
前雙槐極高而柯葉拂地狀如龍蛇或謂之鳳尾槐蘇
子由詩云銅瓶灑過不知寒雨點勻圓凍
未乾回首腫朧朝日上槐龍對舞覆衣冠

賀直院莊少卿

夏

除中書舍人

宋史莊夏字子禮
泉州人為宗正少

卿權直學士院試中書
舍人詳見第二十四卷

優詔上卿

益都耆舊傳趙興為太常
雖處上卿而布被瓦器

正班內史

見上

北

門視草謂當進學士之班

新唐書百官志自太宗時名
儒學士時時詔以草制然猶

未有名號乾封以後始號北門學士玄宗初置翰林待
詔掌四方表疏批答應和文章唐職林至德後天子召

集賢學士於禁中草書詔雖宸翰所揮亦資其檢討謂之視草淮南王傳常召司馬相如等視草師古曰草為

文之藁草班字重上西掖拜真聊復示舍人之樣應劭漢官儀左

前世文士以中書在右因謂中書為右曹又稱西掖劉楨贈徐幹詩誰謂相去遠隔比西掖垣唐詩太微西掖

鳳池邊又西掖深沉大帝居又西掖重雲開禁署又西掖幾年綸綍貴餘見前斯文增氣有識

傾心恭惟某官蓄學醇明揆材鉅麗吳質書發函伸紙是何文采之巨麗

而慰諭之綢繆乎沉浸醲郁蓋下逮於莊騷進學解沉浸醲郁含英咀華上規姚

姒下逮雅健雄深無足多之崔蔡劉夢得柳文序嘗評其文雄深雅健似司

馬子長崔蔡盡兼兩制五代職官志晉天福五年詔翰林學士院公事宜並歸中書舍

不足多也

人自是舍人畫直者當中書制夜直者當內制至開運元年復召翰林學士與中書舍人分為兩制各置六員事實國朝翰林學士謂之內制中書舍人知制誥謂之外制其後并雜學士侍制通謂之兩制已四五

年號令鼓舞風雷亦云多矣獻納司存雨露莫若專之

濃薰班馬之香

並見前

高振綺園之翼

張良傳四人為壽已畢趨去上目送

之召戚夫人指示曰我欲易之彼四人為之輔羽翼已成難動矣師古曰四人謂園公綺里季夏黃公角里先生所謂商山四皓也夏黃太子侍讀有偉用儒之效荀子非聖人莫之能為夫是之謂大儒之

效

會當秉國之鈞某假守魚鳧阻陪燕雀

並見前

碧梧幕

府幸稍安雪外之城

杜詩清秋幕府井梧寒獨宿江城蠟炬殘永夜角聲悲自語中天月

色好誰看又秋風嫋嫋動高旌玉帳分弓射虜營已收
滴博雲中戍欲奪蓬婆雪外城注遼婆乃吐蕃城名在
雪山紅藥主人儻或念天涯之客

謝玄暉直中書省詩
紅藥當階翻蒼苔依

砌上韓詩令君縱署天
涯史投檄北去何難哉

史掖

宋起居郎起居舍人掌記天子言動御正殿則
俟於門廡外便殿則侍立行幸則從大朝會則

對立于殿下螭首之側凡朝廷命令敕宥禮樂法度
損益因革賞罰勸懲羣臣進對文武除授及祭祀燕
享臨幸引見之事四時氣候四方符瑞戶口增減州
縣廢置皆書以授著作官元豐六年詔左右史分紀
言動元祐元
年仍詔不分

賀聶左史

子述○見第六卷首條

中宸渙號

見前

左史升賢

杜氏通典起居周官有左右史記其言事蓋今起居之本至隋

煬帝以為古有內史外史今著作如外史矣宜置起居官以掌其內乃於內史省置起居舍人唐顯慶中于中

書省置起居舍人與起居郎分掌左右龍朔三年改為左右史夾立螭頭均為清切見前

進攜龍角逾近凝嚴

漢天文志杓攜龍角注龍角東方宿也攜連也天官書大角者天王

帝庭晉天文志大角在攝提間天王座也彰清朝選用之公示君子登庸之

漸恭惟某官材全而業鉅學廣而聞多

並見前

秀出班行

固已芒寒而色正

韓文秀出班行乃勤帝目帝省竭心恩顧日渥

凜然氣節不

為義疚而利回

左傳君子動則思禮行則思義不為利回不為義疚

五年省闈之

彌綸千里戶庭之清晏

韓文令修於戶庭數日之間而人自得於湖山千里之外晏音

按說文天清也揚雄賦天清日晏注晏無雲也三輔人

以日出清濟為晏晏而溫楊素傳東夏清晏嘉庸茂績

於是賴舍人之解事見首條五

乎在為天子而記言

晉起居注古者

天子諸侯二史左史記言右史記動

績用孔殷序遷惟允楚左史之能讀

八索蓋儲倚相之材

左傳左史倚相趨過王曰是良史也能讀三墳五典八索九邱倚相

左史名孔安國尚書序八卦之說謂之八索求其義也韓安國傳天子倚以為漢相元載社相國神道碑俾時

不迷倚以為相

唐中禁之用第一流亦為議政之地

禁居蔭切天子所居

曰禁禁邕云天子所居門閭有禁非侍御之臣不得妄入行道豹尾中亦曰禁中避元后父名改曰省中會要

唐人言左右史當用第一流貞觀中每日仗退上
與宰臣參議政事即令起居郎一人執簡記錄
佳傳

相期於千載

晉書陳壽傳丁儀丁廙有盛名於魏壽謂其子曰可覓千斛米見與當為尊公作佳

傳丁不與之竟不為立傳北齊書魏收傳收為太常少卿脩國史得揚休之助因曰無以謝德當為卿作佳傳

北史爾朱文略嘗大遺魏收金請為父作佳傳收因論榮比韓彭伊霍脩名刺跨於數公

離騷老冉冉其將至兮恐修名之不立陳後山詩聖朝未有徐州相刺作功名跨數公某遠落魚

鳬阻陪燕雀

見前甚愧丈人厚項嘗聞所聞而來

杜詩甚愧丈人

厚甚愧丈人真猛康傳聞所聞而來見所見而去屢為丞相言是有得不得之

命韓詩屢為丞相言雖懇不見錄濫瀕既令其膽破岷峨亦使之眠高

望五雲多處之星早登魁輔

杜詩五雲多處是三台

倩萬里橋邊

之水聊送客心

代董制置賀聶左史

南衙渙號

天子居曰衙行曰駕韓文東方朔詩詆欺劉天子正重溺殿衙唐故事宣政前殿也謂之

衙衙有仗紫宸便殿也謂之閣衙朝也其禮尊閣宴見也其事殺宣政殿為正衙朔望大冊拜則御之紫宸殿

謂之上閣亦曰內衙奇日視朝則御之新唐書宇文士及傳南衙羣臣面折廷爭高元裕傳西頭勢乃重南衙

樞密之權過宰相

東史升賢

晉書天文志極東一星曰柱下史主記過左右史此之象也

雖

君舉必書均號司存之切

左傳君舉必書書而不法後嗣何觀唐杜正倫知起居注

太宗嘗謂侍臣曰朕每日坐朝欲出一言即思此言於百姓有利益否所以不能多言正倫曰君舉必書言存於左右史臣職當修起居注不敢不盡思直社詩獻納司存雨露邊地分清切任才賢而王置諸

左益知位置之親

尚書爰立作相王置諸其左右置字重有舛

正人登崇善

類鼓舞恭惟某官負材有用蓄學不貲

蓋寬饒傳用不貲之身師古曰

訾與貲同不貲言無貲量可以比之貴重之極也

健步豐扛連六鼇於海上

東坡

詩我留待玉座弱步歌豐扛列子龍伯之國有大人舉足不盈數步而暨五山之所一釣而連六鼇合負而趨

歸其國

清標秀質下獨鶴於雲間

杜詩仙鶴下人間獨立霜毛整詳見前

五

年密贊於宰司

胡文恭集賜曾公亮批答參開政道陪貳宰司

庶績自凝於道

揆

尚書庶績其凝

螭頭坳處久稱解事之舍人

見首條

龍尾道中

遂進讀書之倚相

唐李德裕獻替錄朝官退朝後從龍道出宋會要西京大內正殿曰太極

殿殿前有左右龍尾道日樓月樓龍尾道在殿前以青石甃之望之蜿蜒如龍尾姚合寄右史李定言詩纔歸龍尾舍鷄舌更立螭頭運兔毫又和盧給事詩駕鸞替裾上龍尾蓬萊宮殿壓鰲頭白樂天詩步登龍尾上虛空立去天顏無咫尺又螭頭陛下立龍尾道邊行又龍尾迥朝無氣力牛頭叅道有心期張籍詩身貴蚤登龍尾道功高自破鹿頭城王荆公詩忽隨諸彦登龍尾尚憶當年應鵲頭餘見上條柱下之光有

耀

晉天文志極東一星曰柱下左右史之象

甌中之姓可占

柳氏舊聞玄宗善八分書凡命

將相先以御札書其名置案上會太子入侍上舉金甌覆其名以告之曰此宰相名汝知誰耶肅宗拜而稱曰

欽定四庫全書

四六律準

三

非崔琳廬從愿乎上曰然舉既示之乃賜卮酒某再辱挈提尤深距躍前歸心

羽翼已久懷石澗之泉

謝靈運詩銅陵映碧澗石磴瀉紅泉紅泉在今撫州府城西三

十二里餘論齒牙更幸及玉闕之老

東軒筆錄蔡挺自實元以後歷邊任

至熙寧初猶帥平涼會邊無事因作樂歌以教邊人有誰念玉闕人老之句盛傳都下未幾召為樞密副使詳

見別

六部

宋初尚書侍郎郎中員外郎皆為空官特以寓祿秩序品位而已自真宗仁宗以來議者多以

正名為請咸平中楊憲首言文昌會府有名無實宜復其舊既而言者相繼乞復二十四司之制至和中

吳育亦言尚書省天下之大各司而廢為閒所當漸復之神宗即位慨然欲更其制元豐三年下詔肇新

官制凡省臺寺監領空名者一切罷去而易之以階
六年詳定所上寄祿格而省臺寺監之官各還所職
矣

賀章尚書

穎○宋史章穎字茂獻臨江軍人歷太
學錄遷博士左司諫以救趙汝愚被劾

家居久之起知衢州侍御史林行可劾罷之尋知
贛州御史王益祥復劾寢其命韓侂胄誅累遷刑
部侍郎兼侍講對延和殿上歎曰卿為權臣沮抑
甚久除吏部侍郎遷禮部尚書陞侍讀嘉定十一
年卒穎操履端直生平風節不為窮達所移雖
仕多偃蹇而清議與之贈光祿大夫謚文肅

申命秩宗

中重也易重巽以申命尚書申命義
叔又天其申命用休又汝作秩宗

正班常

伯

尚書王左右常伯常任唐百官志龍朔
二年改尚書為太常伯咸亨元年復舊

春官六十立

之長以維專

周禮以官府之六屬舉邦治三曰春官其屬六十掌邦禮大事則從其長小事則專

達

曲禮三千待其人而後舉有隆圖任茲遂真除恭惟

某官重德鎮浮清規厲俗中流砥柱百壬夙避其鋒

尚書

巧言令色孔壬爾雅士佞也山谷題王黃州墨蹟詩往

時王黃州謀國極匪躬朝聞不及夕百壬避其鋒九鼎

安磐石一身轉

野水孤舟六丁莫措其手

言行錄寇萊公知歸州巴

孤蓬餘見前

東縣嘗賦詩有野水無人渡孤舟盡日橫之句時以為

若得用必濟大川老君六甲符圖云丁卯神司馬卿丁

丑神趙子壬丁亥神張文通丁酉神臧文公丁未神石

叔通丁巳神崔石卿王荆公詩主張壽祿無三甲收拾

文章有六丁見六丁又可對三甲管輅

偉雲山之舒卷

傳皆無三甲腹無三壬皆不壽之驗

關天下之重輕迨茲改絃復此持橐堅車大艚安徐而

後進

艘大舟名

光風霽月逾久而益明

山谷瀟溪詩序春陵周茂叔人品甚高胸

中灑落如

粵從貳卿

東坡除陸佃制文昌貳卿位次八座

寶典三禮

尚書有能

典朕三禮

振自古寅清之職

尚書夙夜惟寅直哉惟清

還斯民子諒之心

禮記致樂以治心則易直子諒之心油然而生矣注子讀如不子之子尚書啓呱呱而泣余弗子是子愛之義而此經子是亦慈愛故云

不惟和上下而治神人

尚書宗伯掌邦禮治神人和上下

蓋將經國家而定社稷茲引星辰而上

杜詩持衡留藻鑒聽履上星辰

益高日月之依武德間有讜言忠無不報

新唐書陳叔達字子聰陳

宣帝子也擢禮部尚書始太子建成等閹間太宗帝惑之叔達極意救辯至是謂曰武德內難卿有讜言故以此報叔達謝曰豈獨為陛下乃社稷計耳鄒陽傳忠無不報信不見疑宋史章穎傳時樞密都承旨王朴以言者奉外祠穎復言其風金使過求欲已任調護以為功孝宗謂其言太訐久之不遷及奏考議官孝宗曰章穎可乃知上猶貞觀初踐台斗理有固然

杜子笑送重表姪王砮評事使

南海詩及乎貞觀初尚書踐台斗容齋隨筆云觀此詩疑指王珪珪相唐太宗贈禮部尚書然細考之史大不合唐高祖在位日太子建成與秦王不睦珪為太子中允其後楊文幹事起高祖責以兄弟不睦歸罪珪等而流之則珪與太宗非素交明矣杜公稱其祖姑事不應不實且太宗時宰相別無姓王者真不可曉也史記孟嘗君傳物有必其阻作鳧趨但深黿抃

見前

小草有遠志

至事有固然

懷哉竝世之醫和

山谷詩小草有遠志相依在平生醫和不竝世深根且固蒂詩懷哉懷哉

注懷安也思鄉里處者曰今亦安否哉山谷詩懷哉縫逐魂

大厦無棄材盡以與聞

於匠石

韓詩大匠無棄材尋尺各有施

賀工部任尚書

希夷

兼給事

晉長冬官

周禮以官府之六屬舉邦治六曰冬官其屬六十掌邦事大事則從其長小事則專達

復兼夕闈

漢舊儀黃門屬黃門令日暮入對青瑣門拜名曰夕郎白氏長慶集給事東闈王維詩夕

奉天書拜瑣闈姚合詩夕郎夜直吟仙掖

國有六典孰如事典之優閒

周禮太宰

之職掌建邦之六典以佐王治邦國一曰治典二曰教典三曰禮典四曰政典五曰刑典六曰事典命出

一人實賴舍人之駁正

通典唐武德三年改給事郎為給事中龍朔二年改為東臺舍

人況躋中庶

通典古者天子有庶子之官秦因之置中庶子庶子員漢因之沈約宋書中庶子漢

置古者世祿卿大夫之子既為副倖謂之國子天子諸侯必有庶子官以掌教之晉齊王攸與山濤書中庶子

東宮顯職山濤啓事

尤簡上知恭惟某官

山

詩萬卷曲肱震

筆翻春潦獻納日月仁義陳於王前鼓

舞風雷言語妙於天下

並見前

久典三禮既諧兆民

任希夷傳

開禧初主太常寺薄奏紹興以來禮書未經編次歲月滋久恐或散亡乞下本寺修纂從之遷禮部尚書兼給

事中疇若予工併任塗歸之責

尚書疇若予工僉曰垂哉隋百官志給事中掌侍左

右分判省事凡百官奏抄侍中既審則駁正
違失詔勅不便者塗竄而奏還謂之塗歸
乃在吾禁

就兼翼贊之華

畢誠傳召入翰林為學士宣宗嘗召訪
邊事誠援贊古今條破羗狀甚悉帝悅

曰孰謂頗牧在吾禁中杜詩
常怪商山老兼存翊贊功

忠既結於兩宮名益高於

九牧

孔文舉論盛孝章書孝章要為有
天下大名九牧之人所共稱難

投珠委地必有

清平尚書之言

謝承後漢書鍾離意字子阿明帝徵為
尚書交趾太守坐贓伏法以資物簿入

大司農詔班賜羣臣意得珠璣悉以委地而不拜帝怪
問其故對曰臣聞孔子忍渴於盜泉之水曾參迴車於
勝母之鄉惡其名也贓穢之寶不敢拜帝笑曰清平尚
書賜錢三十萬唐中宗授張錫尚書制宜升賜劔之榮
式表委批勅回天更觀儒者給事之效
後漢書給事中
珠之潔

位次侍中之下常侍或名儒或國親晉書陳劭字節良武帝詔曰燕王師陳劭清貞廉潔行著邦族篤學好古博通六籍宜在左右以敦儒訓可給事中山谷送顧子敦詩儒者給事中顧公甚魁偉既劑高馮

之藥石

新唐書高馮字季輔以字行為中書舍人列上五事書奏太宗稱善進授太子右庶子數上書

言得失辭誠切至帝賜鍾乳一劑報即羹傅說之鹽梅某曰而進藥石之言朕以藥石相報

聳聞除音喜至滿面君子得與民所載也豈但收稽古

之功

易剝上九君子得與小人剝廬象曰君子得與民所載也小人剝廬終不可用也桓榮傳榮為少傅

賜以緇車乘馬榮大會諸生陳其車馬印綬曰今日所蒙稽占之力也可不勉哉衮職有闕我

儀圖之知必稱納言之任

詩王命王命仲山甫式是百辟出納王命王之喉舌德輔如毛

民鮮克舉之我儀圖之維仲山甫
舉之袞職有闕維仲山甫補之

若方朔之餓欲死

東方

朔傳侏儒長三尺餘奉一囊粟錢二百四十侏儒飽欲死臣朔飢欲
尺餘亦奉一囊粟錢二百四十侏儒飽欲死臣朔飢欲

死

與杜陵之凍且僵

杜詩杜陵野老骨欲折注杜陵野
老公自稱也杜陵乃公所居之地

前漢地理志杜陵屬長安古杜伯國宣帝
此因曰杜陵杜詩吾廬獨破受凍死亦足

不知命而

且鳴且號亦無恥矣

韓文知其命而且
鳴號之者亦命也

其潔已之與

進與退惟所命之

賀陳尚書

率

除吏部尚書仍兼內翰

成都運司作

峻長六卿

白集鄭細吏部制天官太宰秩
序常尊自昔迄今冠諸卿首

增崇八座

續漢

書光武分增三公曹為二公其一曹主歲畫諸州郡事
常侍曹主選舉祠祀民曹主繕工作鹽池苑園客曹主
護駕羗胡朝賀二千石曹主詞訟中都官主水火
盜賊與三公為六曹并一令一僕二人謂之八座惟王

有成績紀於日月之常

尚書萬邦咸休惟王有成績又厥有成績紀於太常命汝

作納言引此星辰之履

尚書命汝作納言夙夜出納朕命惟允杜詩聽履上星辰仍

專黿禁

筆談宋白賈黃中皆先達鉅儒同在黿禁李衛公詩素壁有飛黿仙圖見巨黿國老間談衆景

文公祈守益州以翰林承旨召以詩寄丞增重鷄翹說相云寧知不是神仙骨上到黿峯最上頭

翹尾長毛也後漢書與服志鷹旗者編羽毛列繫恭惟懷旁民或謂之鷄翹李商隱詩屬車無復挿鷄翹

某官學躋道真

躋音劑說文嘗也禮記小祥之祭主人之昨也躋之注嘗也至齒新唐書文藝

傳儒嘒道真
涵泳聖涯

器涵天粹

法言天精天粹萬物作類

絕識洗空於萬馬

全才立解於千牛

見前

積江漢經營之勞

詩序江漢尹吉甫美宣王也能

興衰撥亂命召公平淮夷詩江漢湯湯武夫沈沈經營四方告成于王

有河山帶礪之烈

見前允文允武

詩穆穆魯侯敬明其德敬慎威儀維民之則允文允武昭假烈祖

立德立

功左傳太上立德其次立功

還頗牧於禁中悍卒回心於讀詔

見前講

唐虞於壇上頑民聽命於舞干

尚書舞干羽於兩階七旬而有苗格

茲膺

典選之升

陳蕃傳與黃琬共典選舉不偏權富新唐書裴行儉傳與李敬玄馬載同典選有能名時

號裴始是奮庸之漸文昌垂象寔為上將上相之躔

史記

天官書戴匡六星曰文昌宮一曰上將二曰次將三曰貴相四曰司命五曰司中六曰司祿李尋傳天官上相上將皆顯面正朝注朝太微宮垣也西垣為上將東垣為上相武帳前龜行有為保為

師之命

霍光傳盛服坐武帳中汲黯傳上嘗坐武帳應劭曰武帳織成帳為武士象也孟康曰今御武

帳置兵闌五兵於帳中也師古曰孟說是也梁書何敬容傳回豐貂而步文昌簪高蟬而趨武帳許敬宗詩武帳臨光宅文衛象鈎陳禮記龜為前列先知也東坡集庭實旅百貢先前列之龜工歌拜三義取食野之鹿大戴禮周成王幼在襁褓之中召公為太保周公為太傅太公為太師環濟要略殷時有阿衡伊摯佐之太甲改為保衛皆暫煩長文制九品之任魏略陳羣字長文延三公官也康元年始建九品官人之法拜行見曲逆遂萬物之宜陳平傳帝南過曲逆吏部尚書曰壯哉縣吾行天下

獨見雒陽與是耳於是更封平為曲逆侯王陵傳宰相者上佐天子理陰陽順四時下遂萬物之宜行字重上

某未解漕冰

趙充國傳冰解漕下

正馳驛路

北山移文馳煙驛路勒移山庭聞尚

書之踐台斗或垂念於孤槎

杜詩萬象皆春氣孤槎自客星

聽散人之

拜江湖早歸身於三徑

陸龜蒙詩官家未議活蒼生拜賜江湖散人號詳見前

賀鍾侍郎

震

除左侍郎兼中書及侍講

大君渙號小宰升賢

周禮小宰之職掌建邦之官刑以治王宮之政令曲阜除傅亮俞制

吏部古之天官而侍郎小宰之職

三銓審官尤重左曹之衡尺

杜氏通典開元

以來宰相員少資地崇高又以兵吏尚書權位尤美而宰臣多兼領之但從容衡軸不自銓綜其選試之任皆

侍郎專之尚書通署而已遂為故事或分領其事則列為三銓尚書掌其一侍郎分其二尚書所掌謂之尚書

銓侍郎所掌其一為中銓其一為東銓江總讓吏部尚書表內侍帷扆入尸衡尺權集吏部郎裁百辟之章疏

助九流之刀尺一佛出世仍兼右掖之絲綸見前碧落彌高杜詩碧落

真難涉青雲不可梯互見前紫薇增煥見前恭惟某官目營四海莊子視若

營四海注視之偶然似營他人事者曾著千年陳後山詩曾中歷歷著千年筆下源源赴百川關

百聖於寸心不夷不惠而願孔子之學法言或問子蜀人也謂人曰有

李仲元者人也其為人也奈何曰不屈其意不累其身曰是夷惠之徒歟曰不夷不惠可否之間也黃瓊傳不

夷不惠可否之間蓋聖賢居身之所珍也掃千軍於獨筆非韓非孟而成歐

陽之文

老泉上歐陽內翰書孟子之文語約而意盡不為曉刻嶄絕之言而其鋒不可犯韓子之文如

長江大河渾浩流轉魚鱗蛟龍萬怪惶惑而抑過蔽掩不使自露而人望見其淵然之光蒼然之色亦自畏避

不敢迫視執事之文紆徐委備往復百折而條達疎暢無所間斷氣盡語極急言竭論而容與間易無艱難勞

苦之態此三者皆斷然自為一家之文也蓋執事之文非孟子韓子之文而歐陽子之文也雲雷十

載之經綸

易雲雷屯君子以經綸注屯者天地造始君子以經綸之時

江漢六年之方

泳

詩漢之廣矣不可泳思江之永矣不可方思泳音萊爾雅游也方音舫傳游也爾雅舫游也疏云水中為

也

怒鵬既擊凡馬皆空蛻骨地僊直上蓬萊瀛洲之

島

仙經上士舉形昇虛謂之天仙中士遊於名山謂之地仙下士先死後蛻謂之尸解餘見前

彩纓

天策偏儀承明金馬之庭

影紉紹切影影長組貌文選士子影華纓梁書張允傳影

纓天閣既謝廊廟之華綴組雲臺終慙衣冠之秀唐書諸諒傳上以秦王功大前代官不足稱之特置天策上

將軍位在王公上開天策府置官屬西都賦有承明金馬著作之庭漢書注承明廬在石渠閣外金馬門武帝

時相馬者東門京作銅馬法獻之立馬

堯醲舜醺最宜

為誥

洪造啓堯醲舜醺絕翰墨之畦徑周情孔思酌道德之淵源韓文天子曰王某之文可思最宜為誥

有古風

班香宋豔安敢比材非道不陳於前在庭無出其

右日獻月納爾有嘉謀

並見前

年拜歲遷士無異論四輔

既備命史佚以記言

大戴禮明堂之位曰道者導天子以道者也常立於前是周公也充

者充天子之志常立於左是太公也弼者拂天子之過者也常立於右是召公也承者承天子之遺忘者也常立於後是史佚也故成王中立而聽朝則四聖維之是以慮無失計而舉無過事

五禮有庸咨

伯夷而降典

尚書天秩有禮自我五禮有庸哉又伯夷降典折民惟刑

露門重席

周書

武帝建德三年朝羣臣露門武帝平齊拜熊安生露門博士保定中置露門學沈重於露門館講論語以劉臻明克遜為露門學士戴憑傳憑為博士正旦武令羣臣說經史相詰難有不通輒奪其席以益通者憑遂重坐五十餘席殷氏世傳殷亮建武中徵拜博士遷講學大夫諸儒講論勝者賜席亮重席至八九帝嘉之曰學不當如星戶鳴珂杜詩星臨萬戶動新唐書張嘉祐傳兄嘉貞為相嘉祐任右金吾衛將軍

是耶

星戶鳴珂

杜詩星臨萬戶動新唐書張嘉祐傳兄嘉貞為相嘉祐任右金吾衛將軍

昆弟每上朝軒蓋駟導盈間巷時號所居坊曰鳴珂里王維詩更慙衰朽質南陌共鳴珂隋辛德源詩鳴珂蹠

細柳飛雲
出宜春

緝熙有賴於仔肩

詩學有緝熙於光明佛時仔肩示我顯德行佛音弼大

也仔音茲任也
言大是肩任也

左右宜咨於汝翼

尚書予欲左右有民汝翼

掌六典

之貳更追裴馬之蹤

周禮小宰之職掌邦之六典八法八則之貳以逆邦國都鄙官府之

治新唐書盧從愿傳睿宗立拜吏部侍郎史遷自中宗後網紀耗蕩從愿精力於官偽牒詭功擿檢無所遺銓總六年以平允聞初高宗時吏部號稱職者裴行儉馬載及是從愿與李朝愿為有名故號前有裴馬後有盧

李遂萬物之宜即接夔龍之武

新唐書上官儀傳接武夔龍蓮羽鵷鷺餘見前

某夙蒙推挽

左傳或推之或挽之

竟自顛濟

尚書今爾無指告于顛濟史記微子世家

今爾無指告于顛濟如之何其
今墮孤雲落照之邊

東坡詩膠西高處望西川應在孤雲

落照

誰復高山流水之賞

呂氏春秋伯牙鼓琴鍾子期善聽之方鼓琴志在太山鍾

子期曰善哉乎鼓琴巍巍乎如太山志在流水鍾子期曰善哉乎鼓琴洋洋若流水江梅尚難於

寄驛

荆州記陸凱與范曄相善自江南寄梅花一枝詣長安與曄贈詩曰折梅逢驛使寄與隴頭人江南

無所有聊贈一枝春學齋佔俾云寄梅事人皆以為始於陸范不知劉向說苑已載越使諸發執一枝梅遺梁王梁王之臣曰韓子者顧左右曰焉有一枝梅乃遺列國之君則折梅遣使始此海棕詎易以

移根

杜陵海棕行左綿公館清江濱海棕一株高入雲龍麟犀角相錯落蒼稜白皮十抱文自是衆木亂

紛紛海棕焉知身出羣移我北辰不可得時有西域胡僧識然蓬婆雪邊十暑碎杜

陵之葛

杜詩欲奪蓬婆雪外城又十暑岷山葛餘見前

在玉堂天上一寒望范

叔之袍

山谷詩天上玉堂森寶書餘見前

賀江陵趙制置除工部侍郎

宋史趙方字彥直衡山人少從張栻

學淳熙八年舉進士累官金部員外郎加直秘閣改湖北轉運判官兼知鄂州升直煥章閣進秘閣

修撰知江陵府主管湖北安撫司使兼權荆湖置司進右文殿修撰權工部侍郎寶謨閣待制京湖

制置使兼知襄陽府以崇金人功遷龍圖閣待制封長沙縣男進煥章閣直學士再進藏猷閣待制

大中大夫權刑部尚書卒累贈太師諡忠肅論曰方少從張栻學許國之忠應變之略隱然有尊祖

折衝之風其部曲如扈再興益宗政皆為名將方之子范葵皆以功名自見不愧其父有足稱者

優詔元戎

詩元戎十乘元大也元戎周車名升卿起部有戎車十乘以在軍先此指將帥

杜氏通典晉宋以來有起部尚書而不常置每營宗廟
宮室則權置之事畢則省以其事分屬都官左民二尚

書

司空用以寵舊荆之牧未曰殊恩貴人不待入長安

之城亶為異數

史記張丞相列傳韋丞相死匡君代為丞相封樂安侯以十年之間不出長安

城門而至丞相豈非遇時而命也哉

中權增壯上眷彌深恭惟某官氣直

而溫

尚書直

材弘以毅稟衡山扶輿之積人知鍾駿嶽

之神

韓文衡山之神既靈而柳之為州又當中州清淑蜿蜒扶輿磅礴而鬱積意必有魁奇忠信材德之

民生其間詳見前詩嵩高維嶽駿極于天維嶽降神生甫及申師葵軒正大之傳天使

壽熊湘之學

方輿勝覽昔熊繹始封于此故名熊湘史記南至于江登熊湘注熊耳山在商州洛

縣西十里湖山一名觚山

聞善若決疾惡如風

後漢朱震字伯

厚為州從事奏濟陰太守單匡贓罪並連匡兄中常侍超桓帝收匡下獄以譴超超詣獄謝三府諺曰車如鷄

栖馬如狗疾惡如風朱伯厚

粵從使指之膚

司馬相如傳宣其使指令百姓皆知天子意法

言古之膚使膚笑也

出領制垣之重姦貪膽落洗空當道之豺狼

孫寶傳豺狼橫道不宜復問狐貍後漢張綱傳豺狼當道安問狐貍

邊徼心寒驚避繞枝

之烏雀寬九重顧既四三年

尚書或五六年或四三年

江左見導無

憂固將大用北門非準不可未免小留惟無敵知儒者

之真況有功見賢人之久徒得君重使若予工

竝見前

豹

尾鷄翹獻納上司於雨露

後漢書與服志大駕屬車八十一乘最後一車懸豹尾崔

豹古今注豹尾車周制也象君子豹變尾言熊旂犀節

暉煒外震於雷霆

韓文錫眉雕戈犀甲熊旂詩暉煒煒如雷霆如雷暉吐丹反衆也煒吐雷

反盛也言戎車既衆盛其威又如雷

營壘旗幟初無所

更新唐書李光弼傳光弼治師訓整天下服其威名其

號令之氣色朝野人士皆為之慶

王尊傳人士每至暇日相邀出新亭飲宴

應參傳臨漳人士無不詣之三都賦序課人士之優劣

王羲之傳與東土人士盡山水之遊周顗傳人士益宗

附之殷浩傳都下人士盧志傳人士一時駭散梁書劉

峻傳吳會人士多從其學王澄傳嘗為天下人士目侯

景傳人士競談玄理不習兵事晉書甘卓傳學校久替
人士流播陳頤傳河北白壤膏梁何故少人士又豫州
人士常半天下顧衆傳吳中人士同時響應刁協傳人
士何故反助寒門溫嶠傳人士結舌又拘錄人士又仗
人士之誠又著于人士之口南史王泰傳泰能接人士
王弘傳謂之人士使無庶人之坐署為庶人輒受人士
之

洞庭彭蠡可但為分北之區

史記吳起傳昔三苗氏左洞庭右彭蠡德義不

修禹減之尚書庶

廣漢江沱蓋亦繫二南之化

詩序漢廣德廣

所及也文王之道被於南國美化行乎江漢之域無思
犯禮求而不可得也江有汜笑媵也勤而能怨嫡能悔
過也文王之時江沱之間有嫡不以其
媵備數媵遇勞而無怨嫡亦自悔也
況占雲祲

祲子鳩切

周禮保章氏以五雲之物辨吉凶水旱視祲掌十輝之
法一日祲注陰陽氣相侵廣韻日旁氣也師古曰祲謂

陰陽相浸漸
以成災祥

當護風寒

見第五卷榮州
到任謝制置條

竊窺往年根本

宜固之言及讀近日無窮事業之奏萬國玉帛豈甘安

王業之偏

左傳禹合諸侯於塗山執玉帛者萬國出師表漢賊不兩立王業不偏安

百世邛

墟亦貴度時賢之力

公孫弘傳丞相府客館邛墟而已師古曰虛讀曰墟王羲之傳大為

時賢所笑南史王儉傳
欲引時賢參贊大業

願謹郊圻之申畫姑思牖戶之

綢繆中興當用實材更訪英豪於物外上策莫如自治

合商得失於楮中與民守之吾庸多矣朝廷已深知治

行豈但儀簪橐之班

魏相傳丙吉予相書曰朝廷已深知弱翁治行方且大用矣

牙

森不足為公榮要當勉旃常之績

歐陽公畫錦堂記高牙大森不足為公榮

桓圭袞冕不足為公貴

某雖無學術知有忠賢頃捧辟書輒干賓

謁不緣介紹蒙稱人品之高尋困憂恫又為地主之累

左傳侯伯致禮地主歸餼注地主所會主人也杜詩若非劉顥為地主懶回鞭轡成高宴韓柳詩吳郡陸機稱地主錢塘蘇

今者尋磨驢之步

東坡詩應笑謀生拙團團如磨驢又團團如磨

牛步步踏陳迹

復茲修賀燕之恭登樓而憶仲宣宣但感凋零

之迹下堂而執駿蔑或許傾結納之心

竝見前

賀趙制置

彥呐

除兵部侍郎

宋史趙彥呐字敏若彭州人登四川類試

第少以材稱吳曦叛以祿禧偽守夔彦呐結義士
殺之遂顯名嘉定十三年闕外西和州新被兵制
使安丙檄使經理金人再至戰却之在州五年得
軍兵心轉提點刑獄尋帥沔及崔與之代丙始察
其大言無實謂他日誤事必此人尋奪其節制實
慶元年移帥興元三年鄭損棄四州彦呐力爭不
勝罷歸家者五年紹定四年桂如淵代損起彦呐
為副使更李璣黃伯固皆彦呐副之端平元年遂
拜正使三年金人大入
彦呐大敗貶衡州卒

顯冊宗藩

史記楚元王世家為漢宗藩

升卿武部

通典天寶十一載改兵部為武部至

德初復舊

司馬掌九伐之法外益重於中權

周禮大司馬之職以九伐之法

正邦國馮弱犯寡則膏之賊賢害民則伐之暴內凌外
則壇之野荒民散則削之負固不服則使之賊殺其親

則正之放弑其君則殘之犯令凌政則杜之內亂禽獸行則滅之

元戎先十乘之行遠

式遄於近列

詩元戎十乘以先啓行又式遄其歸注元戎周車名可以先列啓突敵陣之前行式

用遄速也

傳聞四海忻懌一詞

東坡啓傳聞四海歡喜一詞

恭惟某官迪

德碩膚負材瓌特獻宗英之禮樂卓爾不羣

河間獻王傳武帝時

獻王來朝獻雅樂對三雍贊曰夫唯大雅卓爾不羣河間獻王近之矣

謀元帥於詩書飄

然無敵

杜詩白也詩無敵飄然思不羣餘見前

文武作萬邦之憲精神折

千里之衝

見前

三百厘兮竊笑無功之利祿

詩不稼不穡胡取禾三百

兮厘十八年矣備嘗在外之艱難

左傳晉侯在外十九年矣而果得晉國險阻艱

難備嘗之矣民之情偽盡知之矣

自殄鯨鯢之妖

言誅祿禘

益壯貌貅之氣

尚書爾尚桓桓如虎如貔

蘇詳見前

茲膺天寵

易在師中吉承天寵也

迄

拜夏卿

職林大司馬亦曰夏卿

獎三軍以定中原聿觀偉績

出師表南

方已定兵甲已足當

間兩社而輔公室佇接前芳

左傳間於

兩社為公室輔注周社亳社兩社之間朝廷執政所在

疏魯是周之諸侯故國社謂之周社哀四年亳社災是

魯國有亳社

魯外朝在庫門之內東有亳社西有國社

歐陽公詩誠知非所敵但欲繼前芳王荆公詩中和助

宣布循吏

綴前芳某治任方歸聞報失喜

杜詩似聞胡騎走失喜問京華注失喜言

出於不自覺

知有功之則悅

見前

見無德之不酬

詩無言不酬無德不報

錦城雖樂不如蚤還益增西望

杜詩錦城雖云樂不如早還家 繡裳無

所於汝信處更佇東歸

詩我親之子衮衣繡裳鴻飛遵渚公歸無所於女信處注再宿

曰信我周公未得王迎之禮歸則無其住所故於汝東方信宿而處耳言終不久留

賀朱倉

在

除度支

任兩浙運幹○亦史道學傳在燕之子紹定中為吏部侍郎理

宗甯慶二年工部侍郎朱在進對奏人主學問之要上曰先卿中庸序言之甚詳朕讀之不釋手恨

不與同時

勞使臣之還而歌四牡知入重於郎垣

見前

旅天子之命

而作嘉禾又暫留於輔郎

書序唐叔得禾異畝同穎獻諸天子王命歸周公于東作

嘉禾 最爾幕下之士託於畿內之侯敬德已深脩辭敢後

恭惟某官政由學出心以家傳昔者周公固望伯禽之

後見前 趙亦夫子誰知孔鯉之異聞

莊子夫子步亦步夫子趨亦趨雖剛

大之氣浩然而中庸之德至矣揭節以出送以禮樂而

有光

馮衍傳懷金垂紫揭節奉使注揭持也餘見前

當官而行編之詩書而無

愧

左傳當官而行何彊之有韓文鋪張對天之閑休揚厲無前之偉績編之乎詩書之策而無愧措之乎天

地之間 茲拜握蘭之召

李山甫詩南宮郎署握新蘭

又為騎竹而留

見前 斂惠而施一州寧容黔突

韓文敘此大惠兮施於一州班固賓戲孔席不煨墨

突不輯瑞而班羣后即聽紫泥

尚書輯五瑞既月乃日親四岳羣牧班瑞于羣

后隴右記武都紫水有泥其色亦紫而粘貢之用封璽書故詔詔有紫泥之笑李山甫詩紫泥飛詔下金鑾

某偶爾依蓮正茲索米囊粟二百之俸實隸治封遣介

咫尺之書敢修庸敬

竝見前

代回宮使待制史侍郎

彌堅○詳啓意蓋代月湖

貳訓夏之刑已慙弗績

書序呂命穆王訓夏贖刑傳訓暢夏禹贖刑之法尚書三載績

用弗攝司冬之典有愧誤恩

蔡謨傳昔階謬恩蒙忝非據阮籍傳乞回謬恩以光

清舉陳後山詩將老蒙誤恩受弔不受賀王荆公詩誤恩三品竟何酬東坡湖州謝上表荷先帝之誤恩擢寘

三館蒙陛下之過聽付以兩州又辭免翰林學士承旨狀計此誤恩必難安處曾與謝之未遑

遽謙光之先辱恭惟某官久勞於外式遄其歸詩仲山甫徂齊

式遄大纛高牙茂展幹方之略晉書王渾傳齊王攸當之藩渾上書諫曰攸於

大晉姬旦之親也宜贊皇朝與聞政事今陛下出攸之國假以虛號而無典戎幹方之實非陛下進退先帝太

后待攸之宿意也餘見前珍臺間館暫從均佚之謀甘泉賦珍臺間館西京賦珍臺

寔產以極壯六一居士集賜韓琦詔方均逸豫通此外虞言領宮使輟湘水之曉行趣宣

室之夜對有勤餘芘亦及陳人竝見前某視蔭幾何左傳趙孟

視蔭曰朝夕不相及誰能待五蔭日景也周書王衷傳視蔭惕日猶趙孟之徂年負杖行吟同劉琨之積慘

強顏已甚司納言之喉舌轉覺濫竿

韓子齊宣王使人吹竿必三百人齊

吹南郭先生不善吹竿而濫於三百之中食祿宣王死

湣王立好一一聽之先生乃逃梁

借餘論於齒牙早期納履

說范田子方曰士貧賤者言不用行不合

則納履而去耳禮記坐左納右疏云納猶著也著右足之屨曲禮俯而納履同此義按古詩云瓜田不納履當作納屨經傳無納履之語曲禮俯而納屨俯低頭也納猶著也低頭著屨似有所取故人見疑履無帶著時不必低頭然則說范納履亦當足納履之誤

臺諫

臺謂御史臺前代沿革不常宋元豐三年李定請復六察於是以御史專領六察其後大正官

名不除大夫檢校官帶憲銜者亦除去以中丞為長知雜事為侍御史言事官為殿中侍御史六察官為

監察御史諫謂諫院宋承五代之弊官失其守官職
差遣纔以定俸入而不親職諫議大夫司諫正言皆
須別降勅許赴諫院供職者方為諫官明道元年陳
執中為諫官屢請置院于是以門下省為諫院置諫
院自此始元豐正名左右諫議大夫為諫垣之長專
言責焉左隸門下右隸中書同掌規諫諷諭凡朝政
關失大臣至百官任非其人三
省至百司事有失當皆得諫正

賀洪郎中

荅

除察院

成都運司作○宋史洪荅
夔字舜俞於潛人嘉定二

年進士累官秘書郎遷金部員外郎忤史彌遠臺
諫李知孝梁成大交論鐫二官彌遠死帝親政五
日即以禮部員外郎召入見問在外人物以崔與
之真德秀魏了翁對異日與王遂並拜監察御史
歷官刑部尚書翰林院知制誥力
求去加端明殿學士卒贈兩官

親擢郎潛

張衡思玄賦尉廩肩而郎潛兮連三葉而邁武漢武帝故事帝輦過郎署見顏驄廩肩皓

髮問曰叟何時為郎對曰臣文帝時為郎文帝好大而臣好武景帝好美而臣貌醜陛下好少而臣已老是以

三世不遇故老於郎署帝進司臺察五代會要御史六感其言擢拜會稽都尉

進司臺察

員監察謂之分察

使唐百官志監察御史其一察官人善惡其二察戶口流散帳籍隱沒賦役不均其三察農桑不勤倉廩耗減

其四察妖猾盜賊不事生業為私蠹害其五察德行孝弟茂才異等藏器晦迹應時用者其六察黠吏豪宗黨

并縱暴貧弱冤苦不能自伸者十年去國安泉石之膏育錢氏私誌云張天覺丞相

再召到闕謝表云十年去國門前之雀可羅一日還朝屋上之烏亦好後有一達官致顰云十年去國不聞長

樂之鍾一日還朝復見大君之鼎時魏漢津所鑄九鼎初成也新唐書田游巖傳泉石膏肓煙霞痼疾詳見前

洪咨夔傳咨夔以臺諫交一札起家任朝廷之耳目劉

論鶴二秩讀書故山七年傳以病免官起家復為安定屬國都尉新唐書韋思謙

傳進御史大夫見王公未嘗屈禮或以為譏答曰耳目官固當特立鵬鶚鷹鸞宣

衆禽之偶奈何屈以狎之公無欣戚邦有榮懷尚書邦

亦尚一恭惟某官行守宮庭荀子是君子之所以聘意

人之慶道探壺奧漢書叙傳究先聖之壺奧壺苦本養以剛大

獨扛百斛之龍文史記秦武王與孟說舉龍文赤鼎絕

炳兮被龍文韓詩龍文出其緒餘連中八科之鱗角莊

百斛鼎筆力可獨扛道之真以治身其緒餘以為國家唐張鷟文章俊敏凡

萬簡萬中時目為青錢學士舒元興傳披剔剖抉拔犀之角擢象之齒北史文苑傳學者如牛毛成者如麟角

惟其守專而退勇是以任重而進難社下之肉既均尋

拜護軍之曲逆

陳平傳里中社平為宰分肉甚均父老曰善陳孺子之為宰歸漢漢王與說悅

之拜平都尉典護軍餘見前

治中之足未展顧令乘障於陰平

蜀志

傳使居治中別駕之任始當展其驥足張湯傳遣山乘障老學庵筆記陰平在今文州有橋曰陰平淳熙初為郡守者大書立石於橋下曰鄧艾取蜀路過者笑之按鄧艾所出古陰平道在今文州漢陰平也其地與江油為隣宋隆慶府陰平縣自晉儀粉省以歸班杜詩馨香宋始置非鄧艾之陰平也

起詩粉署花廳入又粉署含香別白樂天詩紫界官牆白粉闌韋應物詩歸來坐粉闌羅隱詩清貧粉署官

封皂囊而論事

蔡邕傳以皂囊封上注漢官儀凡章表皆啓封其言密事見皂囊也回天

有力方將批徑尺之鱗

史記韓非傳夫龍之為蟲也可擾狎而騎也然其喉下有逆鱗

徑尺人有嬰之則必殺人人主亦有逆鱗說之者能無嬰人主之逆鱗則幾矣荆軻傳柰何以見陵之患欲批其逆鱗哉

偃月生疑已不容立仗之馬

新唐書奸臣傳李林甫有堂如

偃月號月堂每欲排搆大臣即居之思所以中傷者若喜而出即其家碎矣林甫居相位諫官皆持祿養資無敢正言者補闕杜璡再上書言政事斥為下邳今因以語動其餘曰君等不見立仗馬乎終日無聲餌三品芻豆一鳴則默之矣洪咨夔傳遷金部員外郎會求直言慨然曰吾可以盡言寤主矣史彌遠請至濟王之死非陛下本心大恚擲於地轉考功員外郎轉對曾謂考工復言李全必為國患於是臺諫交論鑄二官

一出息之頃

韓文韋侯以考功副郎守盛山人謂考功顯曹盛山僻郡韋侯將怨且不釋矣或曰

不然韋侯儒者儒者之于惠難苟非其自取之拒而不受於懷況一不快于考功盛山一出入息之間哉

遂

見拾遺九鑽火之明

杜詩九鑽巴噤火三蟄起初雷

星既圻於中台

晉天

文志惠帝永康元年三月中台星圻占曰台星失常三

公憂是月趙王倫斬司空張華夷三族洪咨夔傳咨夔

請書故山七年而彌達死席遂前於半夜

宋史理宗紹定六年冬十月史彌達薨十一月禮部

郎中洪咨夔進對命咨夔泊王遂同為監察御史

甫登表著

左傳叔向曰朝有著定會有表會朝

之言必聞於表著之位師古曰朝內列位有定處所謂表著者也

徑拜稟行

新唐書百官志有御

史稟行使侍御史稟行使殿中稟行使監察稟行史以未為正官無員數

獬豸觸邪難置豺

狼而不問

六典法冠亦名獬豸冠以獬豸觸不直故執憲者以為冠唐則天時侯思止為遊擊將軍

高元禮謂之曰國家用人不次若言侯大不識字即奏云獬豸亦不識字而能觸邪則天果如其問思止以獬

豸對乃拜

左

鷹隼始擊尤關龍象之共觀

孫寶傳立秋鷹隼始擊當

臺侍御史

順天氣取裁惡以成嚴霜之誅言行錄呂希哲除右司諫蘇軾戲之曰法筵龍象當觀第一義傳燈錄波羅是

法中龍象言其力大龍水行中力大象陸行中力大故以負荷大法者比之龍象杜詩如聞龍象泣山谷詩高

居大士

聳聞破頭

宋史理宗紹定六年洪咨夔言資政殿學士袁詔仇視善類諂附彌遠險

怯傾危詔

索韶

已足膽落

舊唐書溫造字簡與拜侍御史李祐自夏州入拜金吾違

制進馬一百五十疋造正衙彈奏祐股戰流汗私謂人曰吾夜踰蔡州城禽吳元濟未嘗心動今日膽落於溫

御史吁
可畏哉刊九山滌九川陂九澤通地氣以上騰尚書九

九川滌源九澤既陂四海會同禮記孟
春之月天氣下降地氣上騰天地和同關四門明四目

達四聰發天光而下濟尚書詢於四岳開四門明四目

道卑而
上行此真御史矣言行錄王敏懿公素既升臺憲風

合衆皆引去公方論列是非候得旨乃退帝歎曰真御
史也議者目公為獨擊鵲國史張錫為御史言丁謂不

當從內地昭應災不當以罪人京師之人
皆曰張御史貌柔和而心剛正真御史也宣憂匈奴哉

馮唐傳吾獨不得庶頗李牧
為將宜憂匈奴哉詳見前鑄金鼎以圖姦不難調鼎

左傳昔夏方有德遠方圖物貢金九牧鑄鼎象物百物
而為之備使人知神姦故民入川澤山林魑魅魍魎莫

能逢之說文昔禹貢九牧之金鑄鼎荆
山之下崔瑗鼎銘大禹鑄鼎象物百神
察玉衡而齊政

然後保衡

尚書在璿璣玉衡以齊七政又在太甲時
則有若保衡孔傳言天下所取安所取平某

一寒漕冰六暑戍雪

俱見前

將返閭閻而曝日

列子宋國
有田夫常

衣廢過冬春東作曝日於野笑之不識廣廈綿續之屬
謂其妻曰負日之暄以獻吾君必獲重賞歐陽公內制

集序涼竹簟之暑
風曝茅簷之冬日

喜聞臺閣之生風

陳子昂集繡衣始
拜珥筆升朝臺閣

以之生風豪貴由是斂手
山谷詩霜臺御史生風

鵬鶚之在秋天儻或寬於西

擊杜詩蛟龍得雲
雨鵬鶚在秋天

烏鵲之遶夜月願姑聽其南飛

見前

賀王寺簿

遂

除察院

成都運司作○宋史王遂字
去非一字頴叔韶之玄孫後

為鎮江府金壇人嘉定二年進士歷太常寺主簿遷監察御史極論史嵩之欺君誤國李知孝梁成大莫澤肆無忌憚累官工部尚書與同里劉宰素同志遂守平江宰贈之言曰士友當親而賢否不可不辨財利當遠而會計不可不明折獄以情毋為私意所牽薦士以才毋為權要所奪當言則言不規時而退縮可去則去不計利而遜回蓋格言也

峻擢容臺

尚書式商容之間史記索隱商禮樂官知禮容故禮部太常稱容臺進司糾院

唐會要六察糾繩百司理宗紀紹定六年以王遂為監察御史明天子厲精之日爭覩

親除

竝拜吏傳始躬萬幾厲精為治洪咨夔傳咨夔與遂竝拜監察御史咨夔感激激知遇謂遂曰朝無親擢

臺諫久矣要當極本窮源而先論之真御史遴選其人迄符衆望見上風

雲感會

易雲從龍風從虎班固答賓戲彼皆躡風雲之會劉玄傳贊假我風雲二十八將傳論感會風

雲奮其智勇晉書我鱗潛翼思屬風雲王猛傳敘翼待時候風雲而後動杜詩風雲感會起屠釣韓詩風雲一

朝會變化在一身元稹詩風雲一會合呼吸期萬里山嶽動搖舊唐書韋仁約字思謙授監察御史

嘗謂人曰御史出都若不動搖山嶽震懼州縣誠曠職耳恭惟某官心幹九秋文燭

萬丈摘髭名第不應州縣之徒勞

韓詩連年收科第若摘領底髭王遂傳遂

調富陽主簿歷官差幹辦諸司審計司策足要津共擬公侯之必復古詩胡不

策高足立登要路津餘見前堅車大艦每難於進光風霽月既久則

明上欲求忠臣之尊

王尊傳王陽為孝子王尊為忠臣詳見前念無易太常

之肅

魏志王肅字子雍嘉平六年持節兼太常

嚴霜烈日姑令鑄金鼎以察

姦縫霧裁雲行即登玉堂而草制

俱見前

某久違楓陛聞

進薰臣

詩王之薰臣無念爾祖傳薰進也王之進用臣當念汝祖為之法

行行且止而

避聰莫陪旅賀皇皇者華之維駱願以汰歸

竝見前

賀董司諫居誼

進思補闕

史記管晏傳進思盡忠退思補過

仍侍爾英

玉海景祐二年名崇政殿西閣

日延義西南閣曰通英二閣在崇政殿東西侍臣講讀之所趙師民勸講箴肇開二閣以延儒服西臨邇英北

義啓延

責重寄隆益可告嘉猷於後謀從言聽專當下膏

澤於民朝野喧然

蔡君謨詩御筆親除三諫官喧然朝野競相雕

宗社幸甚恭

惟某官所養剛大而道中庸人方此重而彼輕公獨以

退而為進

法言請問進退曰昔乎顏子以退為進天下鮮儼焉韓文知吾之退未始不為進而衆人

之進未始不為退也

廷臣無出右者天子居然器之

俱見拔自

州麾徧儀朝著亟拜拾遺之命

通典武后垂拱中置補闕拾遺二官以掌供奉

諷諫自開元以來尤為清選

仍陪勸講之聯

楊秉傳桓帝即位秉以引尚書徵入勸講上疏

不納以病乞退太尉黃瓊惜其去朝廷上言秉勸講帷幄不宜外遷留拜光祿大夫

緝日月之光

良多啓沃

詩日就月將學有緝熙于光明注將行也緝熙光明也每日有所成就至于一月則有可

行言當習之以積漸也學有緝熙於光明謂選擇賢中之賢乃從之學以賢者必有光明之德故以光明表賢

也此借用尚書啓乃心沃朕心犯雷霆之怒大有激揚新唐書韋溫傳遷右補闕宰相

宋申錫被構罪不測溫倡曰丞相操履有初不宜反乃奸人陷之吾等豈避雷霆使上蒙霧咎率同舍伏闕切

爭由是不賣直以取名新唐書姜公輔傳公輔為諫議大夫諫厚葬唐安公主帝怒謂

陸贄曰朕以公輔才不足以相而又自求惟格王而正朕既許之內知且罷故賣直售名爾

事尚書惟先格王正厥事簡在中宸遂升左垣考司諫七品官之

階雖云序進歐陽永叔上范司諫書司諫七品官爾於執事得之不為喜而獨區區欲一賀者誠

以諫官者天下之得然大人一正君之事正屬斯存今失一時之公議係焉

目前無必至之憂而天下有未形之患敵鋒外熾民力

中乾天文變怪而難諶

尚書天難諶命靡常宋史理宗實慶元年六月辛卯太白晝見

十一月癸巳有流星大如太白二年四月辛亥有流星
大如太白九月辛亥熒惑歲星填星合于女熒惑犯填
星十一月辛酉熒惑犯歲星三年七月乙酉太陰犯星
八月庚戌太白熒惑合於翼紹定元年六月己酉流星
畫隕七月戊戌熒惑犯南斗十月戊申熒惑犯壁壘陣
星丁巳熒惑填星合於危甲子熒惑犯填星十一月癸
酉熒惑入羽林二年正月丁亥熒惑歲星合于婁九月
壬辰有流星大如太白十一月己丑熒惑入氐三年六
月己酉歲星入井十月己巳熒惑填星合于室十一月
丁酉有星孛于天市垣丁未流星畫隕四年七月庚戌
有流星大如太白五年五月癸巳太白經天晝見六月
乙丑熒惑填星合于婁熒惑順行犯填星七月甲申太

白入井八月壬申太白歲星合於張閏九月己酉有流星大如太白庚戌彗星出于角六年二月癸卯熒惑犯東井五月庚戌太白熒惑合於柳

人才卑少而不競

增韻競盛也左傳南風不競

民

保於信而信屢失位守以仁而仁不流

易何以守位曰仁

吏情

且貪兵虛仍脆無非事者請先大者之圖彼何人斯尤

賴辨之之早

詩彼何人斯其心孔艱易由辨之不早辨也

自古建久安之勢

成長治之業莫若杜羣枉之路開衆正之門

竝見前

國人

曰賢左右皆曰賢無使滯淹之久君心以正遠近一以

正切防浸潤之行

董仲舒傳為人君者正心以正朝廷正朝廷以正百官正百官以正萬民

正萬民以正四方正遠近莫敢不壹於正間內間外不容二心史記馮唐傳上古王

者之遣將也疏而推轂曰間以內者寡人制之間以外者將軍制之注門中概曰間漢書作闕謂門限也宮

中府中當為一體

出師表宮中府中俱為一體陟罰臧否不宜異同

舍豺問狸

則民不服

孫寶傳豺狼橫道不宜復問狐狸師古曰言不當釋大而取小也張綱傳豺狼當道安問

狸如鷹逐雀則君自尊

左傳見無禮於其君者誅之如鷹鷂之逐鳥雀也

察鰲

婦之私憂

左傳鰲不卹其緯而憂宗周之隕

回倉公於驚走

史記扁鵲傳扁鵲過

齊桓侯客之入朝見曰君有疾在腠理不治將深桓侯曰寡人無疾後五日扁鵲復見曰君有疾在血脈不治

恐深桓侯曰寡人無疾後五日扁鵲復見曰君有疾在腸胃間不治將深桓侯不應後五日扁鵲復見望見桓

侯而退走使人問其故扁鵲曰疾之居腠理也湯熨之所及也在血脈鍼石之所及也其在腸胃酒醪之所及

也其在骨髓雖司命無之何今在骨髓臣是以無請也按倉公當作扁鵲庶淮南知憚於汲

黯汲黯傳淮南王謀反憚黯曰黯好直諫而昌黎無惑守節死義至說公孫弘等如發蒙耳

於陽城諍臣論若陽子之用心名爵皎然芬芳多矣唐

書宋璟傳張易之誣構魏元忠引鳳閣舍人張說使證之說惶惑迫懼璟謂說曰名義至重神道難欺必不可

黨邪陷正以求苟免若富貴乃吾所有何足計哉蔡澤

緣犯顏流貶芬芳多矣貴吾所自有吾忠良得路之難切宜念此蔡君謨詩當年流落丹心

所不知者壽也良得路難某當獻嘉頌顧進苦辭盖有感平日之知不

敢作細人之愛

禮記君子之愛人也以德細人之愛人也以姑息

諸公不喜生

語柔則茹之

韓文諸公貴人既志得皆樂軟熟媚耳目者不喜聞生語一見輒戒門以絕詩人亦

有言柔則茹之剛則吐之雖善人能受盡言遐不謂矣

韓文傳曰惟善人能受盡言謂其聞而能改之也詩心乎愛矣遐不謂矣注見前

尚欲作石守

道紀德之頌

言行錄石介字守道慶厯三年呂夷簡罷相夏竦罷樞使而杜衍章得象晏殊賈昌

期范仲淹富弼韓琦同時執政歐陽修余靖王素蔡襄
諠為諫官先生喜曰此盛事也歌頌吾職其可已乎乃
作慶厯聖德詩略曰衆賢之進如茅斯拔大姦之去如
距斯脫衆賢謂衍等大姦斥竦也詩且出孫明復見之
曰子之禍幸勿還李師中落韻之詩宋史李師中字誠
始於此矣

上封事言時政杜衍范仲淹富弼皆薦其有王佐才唐
介字子方江陵人勅宰相文彥博守蜀日造間金奇錦
綠闌寺通官掖以得執政帝怒貶介春州別駕師中與
梅堯臣皆賦詩以激美師中詩云孤忠自許衆不與特
立敢言人所難去國一身輕似葉高名千古重如山竝
遊英俊顏何厚未死奸諛骨已寒天爲吾皇扶社稷肯
教夫子不生還邵氏聞見錄唐介爲臺官時言文潞公
燈籠錦獻張貴妃事上怒甚謫春州李誠之送以詩云
云後介用潞公薦官於朝無所言誠之以書從介索所
遺詩介無以報取詩還之曰我固不用落韻詩也以山
寒二字韻不同故云青箱雜記云鄭谷與齊己黃損等
定今體詩云一曰蒹蘆格二曰轆轤格三曰進退格蒹
蘆韻者先二後四轆轤韻者雙出雙入進退韻者一
進一退如李師中送唐介詩兩韻中用韻進退格也

代回傅大諫

伯成○宋史傅伯成字景初少從朱
熹學登隆興元年進士權吏部侍郎

進寶謨閣侍制知鎮江府全活饑民瘞藏野殍不可勝數制置司欲移焦山防江軍於圖山石碑作成謂虛此實彼利害等耳色港在焦圖之中不若兩砦之兵迭戍焉歷官寶文閣學士贈開府儀同三司賜諡忠簡

自天分閭

易有隕自天謝安傳贊任總中臺效章分閭杜詩分閭救世用賢豪詳見前

易地

殿藩

韻會殿鎮也詩殿天子之邦伯成以知建寧府改知鎮江

南內思賢已使候西

廟之對

地理志唐龍朔初皇帝常居大明宮謂之西內宮城之東北隅曰東內本永安宮貞觀八年置

興慶宮在皋城東北距京城之東開元初置十四年增廣之曰南內上林賦象輿婉倂於西清師古曰西清者西廂清淨之處也東坡詩東甌報政又當綰北固之符

幸子遇明主陳經入西廂

惠帝紀三年夏五月立閭越王搖為東海王都東甌師古曰即今泉州是其地史記東越傳立閭君搖為東海王都東甌徐廣曰今之永寧也索隱曰甌水名永嘉記水出寧山行三十餘里去郡城五里入江一統志東甌城在今建寧府東南十里北固山在今鎮江府治北下臨長江其勢險固梁武帝嘗登覽此山又名北顧山唐竇常詩山趾北來固潮頭西去長王安石詩天末海門橫北固煙中沙岸似西興 恭惟某官王

之薑臣

詩王之薑臣無念爾祖注薑進也王詩彼其之子邦之司直注言彼服羔裘之人

是子一邦之人主以為直刺今無此人 觀其動搖於

山嶽安問狐狸

前見使之感會乎風雲蔚如虎鳳 蜀志秦

生而文炳鳳生而五色餘見賀王寺簿條 汲黯願居於禁闥 汲黯傳出入禁

闥補過拾遺臣

之願也

望之顧出於平原

蕭望之傳以望之為平原太守望之雅意在本朝遠為郡守意

不自得

一言寧急於封侯

車千秋傳千秋無他才學術又無閱閱功勞特以一言寤意

旬月取宰相封侯世未嘗有也

萬物盡令其吐氣

杜工部集覽元使君結春陵行志之曰今

盜賊未息知民疾苦得結輩十數公落落然參錯天下為邦伯萬物吐氣天下少安可待矣

茲驅大

纛又卧長江邊秋一鴈聲牽騎峰之濯燧

杜詩戍鼓斷人行秋高一

鴈聲劉長卿詩江南相逢隔煙波沉復新秋一鴈過說文烽燧候表也邊有警則舉火漢書文穎注邊方避寇

作高土槽檣上作桔臬桔臬頭兆零以薪草置其中常低之有寇即然火舉之以相告曰烽又多積薪寇至即

然之望其煙曰燧師古人生五馬貴羨燕寢之凝香某

自愧秋零阻陪厦賀

竝見前

仁義與王言者寧千里而莫

追邂逅適我願兮或一見而後去

詩邂逅相遇
適我願兮

四六標準卷十七